

# *ZINTU ZYASUNU ZICITIKA*

## *ZILUNGULULWA A CISINSIME*

Atu kotamike mitwe yesu. Oyandwa Taata Wakujulu, twa Ku lumba sunumasiku nkaambo kakuti Ula ingula mipailo kuli ndiswe. Oyu mwanakazi uyandwa uutakweankwaya uukkede alya, awo kusilikwa kwa kupandulwa mpo kwakakilwa. Pele, O Leza, tula ibaluka kusilikwa kwa kupandulwa kutaanzi nko kasola kucita mu nyika, Wa kakucita Omwini. Wa kagwisya ku lubazu lwa Adamu, kabambo, wakajala kutendwa, a kupanga mukaintu. O Taata, Nda komba sunumasiku kuti janza Lyako lila seluka lino a kucita cintu eci cipati nco tu lombela. Elyo aba bamwi, Mwami, oyu mwanakazi uuciswa kupenzegwa kwakuyeeya, boonse bambi bajisi nkumbizyo, twa batuula buyo kuli Nduwe, Taata, a myoyo yesu mbiizulwa. Mu Zina lya Jesu Kristo. Ameni.

Nincobeni ncoolwe kuba kokuno sunumasiku a kuba a bbunga bbotu kulangako. Elyo kwiimba kubotu, kkwaya niini mbotuloko. Ndali kuyeeya buyo lwandaano, mukubona balombe kabaimvwi alya a...balombwana baboneka kusumbula, kugelwa kwa masusu kusumbula. Nda kali kuyeeya, busiku bwainda, zya–zya busena oko Nkwe kkala; cikama ca zigebenga caka selemukila okuya a kusola kunyikizya mulombe mu ciziba cakusambilila; ba kacita kwiitila cintucimwi akuzo bagwisya okuya. Ino ndwandaano, kubona bana kabaimvwi, kabaimba nyimbo zya Makanimabotu; ino ndwandaano.

<sup>2</sup> Kuyeeya, mbuli Mukwesu Henry mbwa kaamba okuya, “abo bantu bajisi masusu mbuli banakazi nge beeleded kuba angawo,” nywebo mwabona. Mbo–mbo–mbo mbubo. Boneka mbuli i... Nda bona balombe kaba cisola, kuba a masusu ayo, akwalo bala bikka aya malola avunga muli ngawo, ku masyu abo onse. Elyo Nse zyi, Ndi. .ziindizimwi Ndila tyompwa. Ci libonya mbuli kuti nci–nci indi cini ca kusandulasandula. Bamaalumi basola kusama zisani zya banakazi, a banakazi kusama zisani zya bamaalumi. A bamaalumi balekela masusu abo mbuli banakazi, a banakazi kuba a masusu mbuli bamaalumi. Ino ndipenzi nzi ku bantu aba, nekuba? Jisi i, kasimpe, mbali ini ya kulilemeka kweelede a lulemeko lwasiya cisi eci a bantu aba, inyika eyi?

<sup>3</sup> Eci nciindi ciyoosya, pele nciindi cabulemu maningi mu nyika, kukambauka Makanimabotu. Ikuti ni twa kaima mu

kulaba kwa ciindi kacitanaba kubako, a Taata na kandilanga, a kuti, “Nciindi nzi kwiinda mu makkalo aya mokali noyanda kukambauka?” Ni ndaka kuyanda sunu, sunu ncobeni, katu taninga kuba Kuboola Kwakwe.

<sup>4</sup> Kulanga konse ku bbunga, kukkede awa kumbele lyesu... Ii mukutausi mweenzuma, mu Tucson ijilo, wakali kweenzya mbizi. (Nkeyeeya mwaalumi oyu a eyi... oyu mwanakazi kajisi disiki kusule lyakwe.) Eyi mbizi yaka muwaala. Mwaalumi umbi wandi tumina a wani okuloko cifumo cino, ku hotelo lyangu, a kuti, “I mwaalumi uli ku Veterans Hospital, a meso akwe taaputi, musana wakwe wakazapuka, insa zyakwe zya kazimba, a moyo wakwe kuutandila kuwiduka.” Elyo mpaawo Nda kafugama aa cibuye, ku mazwi angu; telefoon, kamusikila kumpela imbi, a kumu kombela. Elyo mpaawa uli kkede awa sunumasiku, kakkede mpoonya awa. Ayo akali masiku aindia. Bob, sa inga waima awo? Ngooyo mwaalumi, mpoonya alya. [Mbunga yalumbaizya—Mul.] Leza ulaingula mipailo, cifumo, masiku, akalangabweeseme, akatikamasiku, na kufumbwa ciindi.

<sup>5</sup> Lino, Ndi—Ndi mukamabusu uutola cindi cilamfu, mbuli mbo bakwiita. Ndi baanga ndabijilwa kutalika ciindi eci ca masiku, alimwi—alimwi Ndali kuyeeya ni Nda boola buyo. I busiku bumwi, baa, twa kali kukanana awa ku busena bumwi, a i...nikwakainda maminiti ali kkumi osanwe Ne kaliko, bantu bakali kubwezelela midishi aku nditambikizya, “Leka! Umuna, weeledge kuzwa awa,” kabafweba misanga yatombwe, akulilemeka bumwi. Tee kakali kampenda i—ii ka cipobwe, bakali bantu abo nko twa kabbadelela busena. Elyo i—i mukaintu wa sicutuno wakaunka kubusena a kwaambilila mwendelezi, kati...

<sup>6</sup> Kati, “Ee, mweelede kuti kamu zwide awa a 9:30.”

<sup>7</sup> Kati, “Mwa kabikka eco mu cipangano cilembedwe.”

<sup>8</sup> Oyu mulindu, sunumasiku, waa selemukila okuno (mulindu uli kabotu loko) alimwi waa kati, “Twa kamvwa kuti ula ciyanda,” kati, “ku cibweza buyo kufumbwa kuti kociyanda.” Aboobo eco cakali kabotu kapati. Aboobo Ndili lumbide kuli ceeco. Eco ncibotu loko.

<sup>9</sup> Mukwesu Henry, Nda lumba neconzyo buuya bwako—bwako bwakundi tambila okuno, a mutabi oyu.

<sup>10</sup> Nda kajisi coolwe masiku aindia kukuba kunselelo okuno ku Assemblisi ya Leza oko Nkwe syoma kuti Mukwesu Boone mweembeli. Kajisi ciindi cibotuloko kunselelo okuya a nkamu eyo ya bantu. Elyo juunza masiku twiinka kubusena bumwi kutala awa, Nse buzyi mpo bubede, alimwi mutabi umbi. Bala cimamelia eco; Ndi zumanana buyo kupaila, kubala, a kuyabuya ambali, alimwi citandila kuba coonse Nce konzya kuzwidilizya.

<sup>11</sup> Pele, lino, tula bona zintu zigambya mu buzuba obuno. Lino Nda yeeya ciindi cainda Ne kali okuno, mwakali

mu muswaangano wa tente. Nda yeeya kucikanana busiku bwainda, ku banabukwetene baniini abo bakaleta muvwanda wabo wakafwide mukati. Buli—buli atala abusenabumwi awa, ba keenzya isikatu a masiku oonse. I mutumbu muniini kakkede, kauside, kajatilide muvwanda oyo mu maboko akwe. Lino, kwayanda uli kkede mpoonya awa lino, nku koonse Nkwe zyi. Alimwi waa... mulumi muniini, banabukwetene ba banabukwetene bambi antomwe ambabo, alimwi ba kali... Elyo waa kati... kandi buzya ikuti na Ne kasika (mwaalumi wakacita) ku mootokala. Nda kabweza muvwanda muniini elyo nke jisi ciimo, ciniini, cifwide, ciyumu citontola; nkabela Nda katalika kupaila. Elyo cindi Ne kapaila, oyo mubili wakatalika kulimvwa mbuli kuti wakali kuya bukasala. Aboobo Nda buyo... Nda kazumanana kupaila. Wa katalika kubbansa a kuputa, kayabuya, aboobo Nda... katalika kulila. Nda kamupa kuli banyina alubo, waa kazumanana kujokela ku muunzi anguwe. Aboobo, antela tii bakali Banakristo nekubaboobo, nku koonse Nkwe zyi. Mwabona? Eco cakali cibotuloko.

<sup>12</sup> Pele cintu Nce yeeya kuli ncico, sunumasiku, Ndi lizi mbungano ili mukufwa, ayalo, nja bantu besu ba Pentekoste. Twe elede kuzungaanya kugwisya ceeci, uh-huh, kwa mana. Alimwi nzila biyo njoya kucicita nku mupailo a kululama ku Ijwi lya Leza. Nje nzila biyo njo tuya kucicita. Njeeyo nzila yomwe biyo yaku polela, Walo ni Nzila eyo, Jesu Kristo mbobuca nguwenya, sunu, amuya myaaka. Sa inga twa yanda mbungano kunjila mu ciimo mbuli mbwakaamba okuya, mbuli mu England? Ako nkekambo Nda kali, nywebo tuyeyea, canciki loko, ku mubwekela. Alimwi Nse kanzi kucicita, pele Nse yanda kubona mbungano kunjila mu bube bwa musyobo oyo. Tamu yanda kuba mu bube obo. We—we elede buyo kuli Li simpacanguzu loko mane wa Li kankamina aku Li bamba kujatisya. Ceelede ku citwa.

<sup>13</sup> Aboobo lino, sunumasiku, Ndi jisi buyo ii... amwi Magwalo a cibalo awa Ndi yanda kukanana kaindi kaniini. Nse koamba ciindi cimwi. Mula katala, baa... Inga nomanide mu maminiti ali makumi otatwe, a kuyaamina buyo aa... Ndi baanga ncisiya buyo ku Muuya Usalala, kufumbwa biyo nzila Nja solelola.

<sup>14</sup> Atu kotamike mitwe yesu aniini buyo kumbi, akukanana kuli Mukamwini katutana kujula Bbuku Lyakwe.

<sup>15</sup> Leza Singuzuzyoonse, Mukamwini wa Bbuku eli, kwinda muli Jesu Kristo twa paila. Tuli lumbide kuli eco nco twa mvwa kale sunumasiku. Ikuti na twe elede—elede kuzinimikizya muswaangano oyo ku kwaamba kuti, “Ameni,” a kuya ku muunzi, cakali cibotu kuba kookuno, nkambo tu lizi Wa kali andiswe. Elyo, Taata, mbuli mbo tu jula eli Ijwi, lino kanana kuli ndiswe cigaminina kuzwa mu Ijwi eli, kutegwa tu zibe oora ndyo tupona. Ikuti na tu lizi oora ndyo tupona, mpawo inga twa libambila ku oora eelyeo; pele ikuti na twa njila caboofu

mukutaziba *cintu na awo*, mpawo ta tuzyi nzila ya kulibambila. Aboobo, Taata, twa lomba kuti Uyo tulekela kubona Bwaato okuya, a Mulyango, kuujukide, a Mulumbe ku twiitila mukati. Ko cipa kwinda mu Zina ly a Jesu Kristo. Ameni.

<sup>16</sup> Mu Magwalo Aasalala, Ndi yanda kubala cibalo awa, cijanwa omuya mu Bbuku ly a Musalali Luka, ku cipati ica 24, i... Ndila talikila a kampango ka 13, a kubala cibeela ca Ndilyo.

*Elyo, bone, bobilo babo bakaunka i buzuba mbubonya kuzwa ku munzi uutegwa Emmaus, kwalo kuzwa ku Jerusalemu kutandila makumi—otatwe aa mafalong'o.*

*Elyo ba kaambaula antomwe...zintu ezi ezyo zyaka citika.*

*Elyo caka boola kucitika, kuti, kucindi nibakali kubandika antomwe nkabela...Jesu mwini waka swena, a kweenda ambabo.*

*Pele meso aabo akali jalidwe kuti bata muzibi.*

*Elyo wa kabaambila kuti, Ino mubandi wa ciyanza cili buti wa zeezingo mwaambaula kuli umwi aumwi, mbuli mbo mweenenda, nkabela mu luuside?*

*Elyo umwi wabo, wakali a zina ly a Kleopa, wakavviila a ku baambila kuti, Sa uli mweenzu oliske mu Jerusalemu, alimwi yebo to zyi zintu ezi zyoonse zya ka citika...mu mazuba aya?*

*Elyo wa kaamba kuli mbabo, Ino nzintu nzi? Elyo ba kaamba kuli nguwe, Kujatikizya Jesu waku Nazareta, wa kali musinsimi singuzu mu ncito a ijwi kumbele ly a Leza a bantu boonse:*

*A nzila bapaizi bapati a i beendelezi mbo baka mwaaba ku i...kuti apegwe mulandu wa lufu, nkabela baka mubambula.*

*Pele twa kasyomede kuti wakali nguwe wa keelede kunununa Israyeli: alimwi kunze ly a aaya oonse, sunu mbuzuba bwatatu kuzwa zintu ezi no zyakacitika.*

*Inzya, alimwi banakazi bamwi abalo i ba nkamu yesu baka tugambya, abo bakali...ku cuumbwe;*

*...cindi niba taka jana mubuli wakwe, ba kasika, kabaamba, kuti abalo baka bona cilengaano ca baangelo, abo ba kaamba kuli mbabo...abo ba kaamba kuti wakali muumi.*

*Alimwi bamwi babo bakali a ndiswe ba kaunka ku cuumbwe, a kujana mbubonya banakazi mbo bakaambide: pele walo ba...pele walo teeba kamubona.*

*Mpawo wa kabaambila kuti, O bafubafuba, aba muka kusyoma (kutali kusyoma) zyoonse basinsimi nzoba kaamba:*

*Sena Kristo ta keelede kupengela zintu ezi, a...  
kunjila mu bulemu bwakwe?*

*Elyo kutalikila kuli Musa a basinsimi boonse, wa  
ka bapanduluwida...magwalo oonse azintu zijatikizya  
lwakwe.*

Akube kuti Mwami ayungizye zilongezyo Zyakwe ku kubala kwa Majwi Aakwe.

<sup>17</sup> Lino Nda bweza...ikuti Nda ciita kuba ciiyo, Ndi yanda kubweza ceeci: I zintu zicitika...*Zintu Zyasunu Zicitika Zilungululwa A Cisinsime*. Lino, lyoonse yakali ya Leza...nzila ya Leza itacinci ku kuziba...ulekela bantu Bakwe kuzibakale zintu zimwi zicitika kazitana citika.

<sup>18</sup> Ikuti na bantu mu mazuba aa Mwami Jesu niba kayandaula biyo Leza a kuziba biyo eco cakali afwii kucitika, niba takapa Jesu mulandu wa lufu. Pele kaambo nco cakali obo, nkaambo Magwalo akeelede kuzulila, nkaambo ba Juda bakeelede koofwasigwa. Tula mvwisya obo toonse.

<sup>19</sup> Sena mula mvwisya kuti eco caka syomezegwa alubo mu bukkalo obu mbubonya mbo tupona? I Bukkalo bwa Mbunganno ya Laodikeya, obu bukkalo bwa mbungano yaciloba mbo tuponamo lino, kuti buli cinswe, busapaukide, boofu, a kuta cizyiba. I mbubonya Mbwa kabaofwaazy a kaindi okuya ku bukanze mbubonya bwa kutola Mulumbe Wakwe kwinda mu bantu bakasalwa, Wa kasyomezya cintu nciconya asunu.

<sup>20</sup> Alimwi ikuti na Nda amba ceeci kwinda mu kulemeka bakwesu a bacizi bangu boonse muli Kristo: Bumwi bwa mazuba aya muntuumwi uya kwaamba kuti, "Sa ta kulembedwe kuti zintu ezi zyelede kucitika lutaanzi?"

<sup>21</sup> Elyo iyooba nzila njionya mbuli kaindi, "Ncobeni, Nda mwaambila kuti, wa kasika kale, nkabela ba kacitila zyoonse nzoba yanda."

<sup>22</sup> Ba ka Mu buzya, bakati, "Nkaambonzi, balembi balati, a Magwalo aamba kuti—kuti 'Eliasi weelede kusika lutaanzi.'" Ba kaamba boobo kuli Jesu.

<sup>23</sup> Wa kati, "Wa kasika kale, nkabela tii mwa kamuziba." Mwabona? Elyo antela nje nzila mbo cigola alubo.

<sup>24</sup> Lino tu yanda kuzibisigwa, kuziba eco ceelede kucitika ku bukkalo obu mbo tuponamo. Leza wakaaba Ijwi Lyakwe ku bukkalo abumwi, kunji boobu ku bukkalo abumwi, alimwi twe elede kuziba kuti bukkalo bomwe tabu konzyi kutolelela mu bukkalo bumbi. Ta cikonzyi kubeleka nconzyo. Kupa mukozyanyo, mbuli Mbwe kaamba, Nda syoma busiku bwainda na... Ndila zumanana kukanana, busiku a busiku, masena, alimwi ziindizimwi Nda bamba bubandi ciindi cabili. Nse kanzi kuli loolola ndemwini pe, pele ci... Nda amba ceeci: Ino inga...bubotu mbo cakalino citila Musa kusola ku kambauka

mulumbe wa Nowa? Na mbubotu nzi mbo cakalino...mbo cakalino citila Jesu kusola ku kambauka mulumbe wa Musa? Na mbubotu nzi mbo cakali citila Martin Luther kuzumanana a mulumbe wa Katolika? Ino mbu botunzi mbo cakalino citila Wesley kuzumanana a mulumbe wa Lutherani? Ino mbubotu nzi mbo cakalino citila ba Pentekoste kuzumanana a mulumbe wa Methodisti? Na mbobotu nzi mbo cakalino citila Pentekoste kuzumanana kakuli Nabwiinga uli mukwiitwa? Mwabona, tuli nkoonya ku ciindi ca mbuto, tuli waano ku ciindi camamanino. Lino, bulotwa bwa whiiti bwatawida mu nyika, bula kkalilila bulikke.

<sup>25</sup> Mbuli sikukazya, mbuli Mbwe kaamba bubandi kuzwida cindi bbuku nilya kazwa, antela mulili jisi okuno mu dolopo lyanu—lyanu, lya oyo mulembi muna German wakalemba cimwi ca zyaano cakukazya maningi. Ngu sikutasyoma mukuba bukombi bwini. Mubwini kutali... Nse musampaولي ku kaambo kakuti wakandi sampaulla maningi; pele, nkaambo, mukuba sikuasyoma mukuba bukombi bwini, bbuku ta lyeelede kusambalwa. Elyo wa kati, “Ii Leza ukonzya kukkala zii a kwaamba kuti Wa kakonzya kujula Lwizi Lusalala a kuvuna bantu Bakwe, elyo mpawo kukkala a maanza Aakwe atala ada Lyakwe a kubona kwiinda mu Makkalo aa Musinze abo Banakristo mbo bakali kuzapaulwa ku balavu; abo bamatumbu a masusu abo kaazwide itwe, akulengelela aa ziingano a kuumpwa; a muvwanda wabo... bamatumbu bakali afwi kutumbuka, bakali kunga baandula ida akuumma cisolo cakuziba mwana na wakali muntu wankwela nzi; a kukkala zii aku cilekela kucitika; bantu abo bakeelede kuba balanda ba Leza oyu.”

<sup>26</sup> Nywebo mwabona, Lugwalo mbunanike. To kakonzyi kuziba Lugwalo ku kukkala biyo a ku Lu bala kuzwa ku bulange bwalwiyo lwabukombi, kuzwa ku bulange bwakwiya; takuna belekedede.

<sup>27</sup> Nda kali kubandika a mukutausi muna Baptisti kutali ciindi cilamfu cainda, wa kati, “Kusikila twa ciiya kabotu Cigiriki, kusikila twa...”

<sup>28</sup> Nda kati, “Mu Kkanso ya Nicaea, kakutanaba obo, bakali kukazyanya kujatikizya mabala aa Cigiriki mu Bbaibbele.” Toka Li zibi pe.

<sup>29</sup> I Bbaibbele lyeelede kuyubununwa kwinda ku bunanike. Eco nce cintu cilikké, ciyubunuzyo. Jesu wakaambila Petro, “Aatala a mwaala oyu.” Oyu mwaala wa ciyubunuzyo ciyubununa kuti Walo Nguni. “Ulacoolwe yebo Simooni, mwana wa Jonasi, muntu uulya maila taku yubunwida ceeci, pele Taata Wangu oyo uliku Julu wayubununa eci kuli nduwe; atala a mwaala oyu Nzo yaka Mbungano Yangu.” Kutali ali Petro, kutali ali Lwakwe, pele atala lya ciyubunuzyo cakumuuya cakuti Walo wakali Ni.

<sup>30</sup> Alimwi Walo ndi Ijwi! Musalali Johane 1, "Ku matalikilo kwakali Ijwi, nkabela Ijwi lyakali antomwe a Leza, alimwi Ijwi wakali Leza. Elyo Ijwi lyakaba mubili wabuntu a kukkala akati kesu." Bahebrayo 13:8, "Ngu mbobuca nguwenya, sunu, amuya myaaka."

<sup>31</sup> Nkikaako nco tuponena mu buzuba cindi luyubunuko lwa Ijwi lyá Leza ni lwelede kusika ku bukkalo bwandeene kwiinda bukkalo bwa Pentekoste. Elyo mbo mbubo. Amuyeeye, muyo... Ndili muntu utayiide; pele tamu konzyi kuzunda bulenge, nkaambo Leza ulabeleka mu buzumanane bwa bulenge. Mbuli buyo, Mbwe kaamba, zuba lilapasuka a kubbila; a kwiinda ku buzuba, a mbuli musela uuyaku cikolo; a kufwa mangolezya, kubuka alubo cifumo citobela. I masamu ala selemuka musinza mu ciindi ca mapeyo, kunjila mu miyanda, a kujokela mu butololo.

<sup>32</sup> Amubone, Wa kali kozyanisyá ku museke wa whiiti, Nabwiinga, kaambo aka Leza nca kalekela eco kuba boobo. Eyo Mbungano, ini, mbotu ya kasimpe yakayakwa aa Buzuba bwa Pentekoste, ya kakomena a kukomena kuzwida Buzuba bwa Pentekoste, mukuba mbungano mpati, ya kacita kuwida mu nyika mu Bukkalo obo bwa Musinze a kuzikkwa mbuli mbuto zyonse mbo zicita. Ya kacita kufwa kutegwa ikonzye kuzyala mu Lubambululo alubo. Ya kayutuka mu cimo ca muntu wa Lubambululo, Martin Luther. Elyo kuzwa awo kuli mbuli cikuba ca whiiti kacisonsa. I cintu citaanzi cilibonya matu obilo maniini, mpawo cila zumanana kuyngizya matu ambi. Kwakaboola Martin Luther, alimwi mpawo Zwingli, a kuya buselemuka, Calvin, alimwi mbuli mbo bakali kuyabuya.

<sup>33</sup> Kumalekelo yanjila ku ngalala. Lino, oyo wakali John Wesley mu bukkalo bwa Wesley. Ya kacitya poleni kulekela nsi.

<sup>34</sup> Kuzwa awo kwakasika bukkalo bwa Pentekoste, butandila loko, mbuli biyo museke wini wa whiiti ikuti na walanga cisiko. Pele ikuti na muyo bweza whiiti a kwijiosya, takukwe museke omwe muli njiyo pe, ncikwa biyo mu *ciimo* ca museke. Pele cili kkele alya ku bukanze, kuvumbila museke kusikila... Ikuti na zuba lyá yuma mbuli *obo*, lila ijaya.

<sup>35</sup> Yeelede ku kkala omuya kusikila ciindi cimwi, mpawo boonse Buumi bula cisiya cikwa (mbuli mbo Ci siya cikwa, cisiya poleni), cisiya cikwa a kunjila muli whiiti, a kupanga bube alubo mbuli mboya kabede mu bulongo.

<sup>36</sup> Lino, toonse swoebu tu lizi kuti kufumbwa cindi mulumbe wapegwa, mu myaka yotatwe bapanga kabunga. Cindi bacita ceeco, cila ijaya mpoonya awo; ca kacita mu mazuba akwa Luther, nkambo, ca kacita mu mazuba akwa Wesley, ca kacicita mu mazuba akwa Alexander Campbell, a bamwi babo boonse, alimwi ca kacicita mu mazuba akwa Pentekoste. Mbulibonya! Mwabona? Ula sika ku busena, aumwi uba sikalengwa, a

kuleya, nkabela taba konzyi kutambula ciyubunuzyo cipy. Ba kkalikila; nkabela mbaabo we, alimwi awo balafwa. Elyo Buumi bulainda moonya omo ncobeni, a kuzumanana ncobeni kupanga whiiti. Elyo cindi whiiti waboola, obo Buumi bwa keenda kwiinda muli whiiti eyo, bubuke, buleta cintu coonse; iifyi, bulabusya nkambo ka Kukwempwa.

<sup>37</sup> Lino, amuyeeye, oyu Mulumbe wakatalika lutaanzi a kuponeseegwa kwa Buleza, kucita maleele. Lino, ikuti na Leza wakalekela eco kwiinda mu mbungano ya lyoonse, mbubonya mbuli mbo twa kajisi, nkokuti taakali Leza. Leza tacit zya mweebwa; Ta citi—Ta citi zintu ezi, ku kutusangabalisy, mbuli ndinywe tobana America mbo tuzibide ku (kusangabalisy), pele Ula cicita ku kukwelelezya kuswiilila kwa bantu, kuti Ula afwi kucita cintucimwi.

<sup>38</sup> Amu Mu lange Mwini cindi Na kasika. “I musinsimi muniini mubotuloko, rabi, musinsimi waku Galilaya.” Baa, mulimo Wakwe wakali kabotuloko, Wa kali kutambulwa mu mbungano aimwi.

<sup>39</sup> Pele buzuba bumwi Wa ka kkala, wakati, “Mebo a Taata Wangu tuli Bomwe.”

<sup>40</sup> “Oh, ma!” Eci tii cakabalwa. “Agusigwa mulombwana uli boobu!”

<sup>41</sup> “Mwa talya mubili wa Mwana wa muntu, a kunywa Bulowa Bwakwe, ta mukwe Buumi muli ndinywe.”

<sup>42</sup> “Baa, walo ngu sikunywa malowa abantu! Amuzwe ku muntu uli boobo!” Mwabona?

<sup>43</sup> Mwabona, kwakali cintucimwi cakacita kutobela citondezyo eco. Mwabona, cintucimwi cakatobela.

<sup>44</sup> Icikwa caka cijata, pele lino cikwa casomoka; ceelede kucita. Elyo amuyeeye, myaka ili makumi obile ya kainda nkabela taacikwe tubungwe twa kazwa kuli nguwo, nkabela ta kakaciti. Tuli kumamanino a tubungwe, whiiti yali yaka. Pele ino makani nzi a whiiti lino, to konzyi... yeelede kulala mu Busyu bwa Mwana, kuti ibizwe, muncini utebulu kuutana kwiibweza.

<sup>45</sup> Lino, zintu zicitika nzo tubona kutola busena, zila tondezegwa ncobeni mu Bbaibbele, zya bukkalo abumwi. Tu yeeya kuti tuli zwide mu bweende, pele ta tuli obo, zintuzyonse zileenda mbubonya buyo a Ijwi lya Leza.

<sup>46</sup> Lino, Bbaibbele ndi bbuku lyandeene kuzwa ku bbuku lili lyoonse limbo lisetekene. Takukwe bbuku mbuli Bbaibbele, nkaambo Bbaibbele ngu Leza mu ciimo ca Ijwi. Mwabona? Lili... Ii ijwi myueeya watondezegwa. Kuyueeya kwa Leza kwa Li tondezya, Majwi Aakwe kwiinda mu basinsimi; alimwi ba kalemba Bbaibbele, lili mu ciimo ca Ijwi. Alimwi Jesu waka Liita kuti, “ni Mbuto.” Alimwi mbuto aimwi iyozyala musyobo wayo ikuti na ili mucimo, bube bubotu. Lino, eli Bbuku lya... ndi

ii . . . Eli Bbuku lya cisinsime, Lila—Lila amba zintu ziycitika kumbele. Lino, Bbuku lijisi ciyubunuzyo coonse ca Jesu Kristo. To yungizyi kuli Ndilyo, alimwi ciyubunuzyo coonse ceelede kuzwa kuli Ndilyo. Mwabona, lyeelede kuba Ijwi.

<sup>47</sup> Bantu bamwi balati, “Nda kajisi ciyubunuzyo.” Iiyi, tu lizi Joseph Smith a banji baka jisi ziyubunuzyo a zintu, pele zya kaliimpene ku Ijwi.

<sup>48</sup> Ce elede kuboola kweendelana ku Ijwi ikuti na cizwa kwa Leza, nkaambo ceelede kusimpikizya na kutondezya Busyu bwa Leza. Alimwi Wa kalizikale zintu ezi zyoonse, mukuba . . . Ku kuzibakale Kwakwe Wa kasala, kasalakale (kula tegwa mu Bbaibbele, “kukanzwa”) ku bukkalo abumwi ku busena bwaco, a mutumwa aumwi ku busena bwakwe. Ngu Leza, dyabolosi ta Mu yumbyi cintu. Elyo Ngu Leza, alimwi Wa kasala zintuzyonse ku kucitika, a kuwa mbubonya buyo mu muncali wa Ijwi Lyakwe.

<sup>49</sup> Abobo ikuti inga twabona, ku Ijwi Lyakwe, bukkalo buliko a ciindi nco tuponamo, moyo cibona moonya mu Bbaibbele, ca bukkalo obu, eco nco tweelede . . . eco ceelede kutola busena ku ciindi eci.

<sup>50</sup> Lino, i—i mabbuku amwi, tu jana mabbuku manji ayo ngo baita kuti “mabbuku aasetekene,” abumwi bumbi. Alimwi Nda kabala i—ii Korani a manji ambi. Pele, nywebo mwabona, mabbuku abo—abo aasetekene ni mbali biyo zya milao yakulilemeka, ya micito, na ya lwiiyo lwabukombi.

<sup>51</sup> Pele eli Bbuku Musinsimi, Li liindene kuzwa ku bbuku limwi limbi. I Bbaibbele ndi Ijwi lya Leza kalyaamba zyakumbele. Li laamba zyakumbele nkaambo Lila cenjezya kumbele.

<sup>52</sup> Ikuti na Leza watuma cili conse, Ula amba a kusyomezya mu Bbaibbele kuti Ta kaciti cintu aa nyika kusikila lutaanzi Wa ciyubununa ku balanda Bakwe basinsimi. Oyo ngu Amosi 3:7. Walo . . . alimwi Leza takonzyi kubeja. Ula Li yubununa, eyo yakali nzila Yakwe ya kucicita muciindi coonse ca makkalo. Ta kakacilwa kucicita.

<sup>53</sup> Lino, twa kasyomezegwa, mu mazuba akumamanino, kuli ceecei kuboozegwa. Taku kabi—kabi mbungano, kabi kabungwe, Methodisti, Baptisti, Presbyteria, ba Pentekoste, ta baka (mu zimo zyabo zyasunu) kusola kubweza eyi mbungano kuba Nabwiinga. Taba konzyi kucicita, bala kakilwa. Ba lwana maningi umwi aumwi, a zyanyika zyakanjila, a zimwi zimbi, nkabela—nkabela bakafwa moony amu migelo yabo. Alimwi obo Leza mbwazi eco.

<sup>54</sup> A kuyubununa eli Ijwi, umwi wati, “Ee, Ndi jisi eci. Elyo alelekwe Leza, Cili mbuli eco.” Eyo nje nzila mboya kabede cindi Jesu nakasika ciindi citaanzi; aumwi wakali jisi njiisyo, aumwi waka jisi eci. Ciyo elela kuba cintucimwi cakatumwa kuli ndiswe kuzwa kwa Leza. Alimwi Leza waka cisyomezya.

Alimwi nzila biyo Njayo cita, nku—nku bamba bubambe Bwakwe mbubonya. Wa kasyomezya ku tutumina, ku mazuba akumamanino, kweendelana kuli Malaki 4, musinsimi atala a nyika, "Uyo sandula myoyo ya bantu kujokela, myoyo ya bana kujokela ku matata acipostolo alubo." Wa kasyomezya eco mu Ijwi Lyakwe. Luka 17 a masena amwi manji omo Mwa kacisyomezya, kuti Uyo...eco Ncayo cita ku mazuba aya akumamanino kuleta cintu eci ca kusimpikizya Ijwi.

<sup>55</sup> Mwabona, muntu inga waamba cili coonse, pele cita Leza wapandulula Ijwi eelyo...Mwabona, lino, tu jisi bupanduluzi bwesu tobeni, twaamba kuti Lya amba *ceeci*. Alimwi oyu umwi, Methodisti, waamba *ceeci*, Baptisti waamba *ceeci*, Pentekoste wakaamba *ceeci*, Wabumwi waamba *ceeci*, Wabubili waamba *ceeci*. Alimwi, oh, mpaawo we. Pele Leza tayandi sikupandulula, Ngu Sikupandulula Lwakwe Mwini. Ula lipandulula Ijwi Lyakwe Mwini kwiinda muku Li simpikizya mu bukkalo kuti Lya kakanzila eco, bukkalo mo Lya kapegwa.

<sup>56</sup> Ta tuponi mu bukkalo bwa Pentekoste, tu pona mu bukkalo bumbi. Mwabona, ta tuponi mu bukkalo bwa Methodisti, tu pona mu bukkalo bumbi. Tu pona atala awa ku bukkalo bwa Nabwiinga, kwiita kuzwa kwa Mbungano a Kwi bikka antoomwe ku Kukwempwa. Obo mbo bukkalo motu pona lino. Ku muzeezo wangу wakusyomeka obo Mbwini ncobeni.

<sup>57</sup> Alimwi eli Bbuku ndi bbuku lya cisinsime. Balo mbasyomi bakuwaizigwa ku Li lemeka aku Li bala, a kusyoma Mukamwini Walyo, nkambo Ijwi lyoonse lilemedwe omuya lyeelede kucitika. Zintuzyonse ezyo zyakasyomezegwa zyeelede kucitika, nkaambo Ngu jesu Kristo mu bukkalo abumwi. I mbobuca nguwenya, wa kali Jesu Kristo, wakali muli Nowa; wakali Jesu Kristo muli Musa, wa kali Jesu Kristo muli Davida, wa kali Jesu Kristo muli Josefa; ngu Jesu Kristo, mbobuca nguwenya, sunu, amuya myaaka. Alimwi ngu Jesu Kristo akati ka bantu Bakwe sunu, kacita zintu Nzya kasyomezya kuti Uyo zicita mu bukkalo obuno. Ngu Jesu Kristo.

<sup>58</sup> Pele mbungano yaba yakalengwa maningi, kusakana loko, mbuli mukwesu mbwaamba awa. Alimwi—alimwi mambungano esu aya buba mbubonya, kusikila twa elela kuba a cintucimwi cakutu zungaanya kujoka ku Ijwi. Mbobuti mbo tuziba kuti ciyo cicita? Ce elede kuboola kweendelana a bubambe bwa Leza Mwini. Ta cikonzyi kuboola kwinda kuli siciiya, ta cikabooli kwiinda kuli simakwebo, ta cikonzyi kuboola kwiinda ku mambungano. Leza uli jisi bubambe Bwakwe bubambidwe.

<sup>59</sup> Nda akanana omuno mu Shreveport buzuba bumwi, aa kapepele kacisi ku cisi coonse, kuti, *Kusola Kucitila Leza Mulimo Kalutali Luyando Lwa Leza*. Davida wakasola kujosya bbokesi lya Leza mu ng'anda. Wa kali mwaami wakananikidwe. Baa, wa—wa kabuzya baiminizi bakwe—bakwe, basilutwe

bakwe bali zyuulu, a zyuulu zili kkumi, abamwi bambi. Elyo boonse bakati, "Eelyo ndi Ijwi lya Mwami." Elyo bakabuzya mupaizi, "Eco cakali kabotuloko." Elyo boonse bakananikwa maningi, ba koongolola, ba kacita micito yoonse yabukombi eyo yakaliko. Elyo cakaliimpeni nconzyo ku luyando lwa Leza, nkaambo kwakali musinsimi mu cisi wa zina lya Natani alimwi awalo ta kabuzigwa makani ancico. Mwabona? Elyo bakajana kuti tii cakabeleka nekubakuti bakali sinizizye, kusola kucitila Leza mulimo.

<sup>60</sup> Elyo inga wasinizya loko lyoonse; pele, kusikila twa ziba eco neco tucita, mulwana citawo. Jokela mu Ijwi lya Leza a kululama, elyo mpawo kuya; mpawo uli zyi. Mbuli ii—ii silumamba, ta zyi cakucita mane wa tambula malailile aku cicita. Twe elede kuba basilumamba Banakristo, a kutambula malailile azwa ku Bbaibbele ku oora lyaino; kutali kulaililwa kwa jilo, kulaililwa kwa zoona, pele kulaililwa kwasunu (ili nje nzila njotu tola). Amulingule oora ndyo tuponamo.

<sup>61</sup> Ezi zintu zicitika zyasunu zila sobelela kuli ndiswe cakufwamba kapati, nkabela buzuba bumwi tuyu jana kuti twa kasyala musule kakutakwe cintu, a kujatwa, kunamatikwa mu caando ca cinyama katutana kuciziba.

<sup>62</sup> Lino, a lukakatilo tweedele kulindila ceeci, ku zisinsime zyaka syomezegwa, zyoonse zyeedele kuzulizigwa mu bukkalo bwazyo. Nkambo Lila twaambila zyakumbele, Mukamwini nca jisi katana cita ceeci, nkabela tula lindila ku Mu bona kucicita alubo. Ino nciindi neco tuponamo! Cintucimwi mbuli ii—ii kalenda; ula langa ku kkalenda kuziba buzuba bwa mwaka mbo ponamo, alimwi ula langa ku Bbaibbele lya Leza kubona bukkalo mbo tuponamo. Ta tuponi mu bukkalo bwa Methodisti, bukkalo bwa Baptisti. Tu pona mu bukkalo bwa Nabwiinga, kwiita, kujokela kuli Leza kwinda mu nzila eyo Nja kasyomezya kumujosya mukati. Wa kasyomezya kucicita.

<sup>63</sup> Pele mbuli mbo kwakabede mu bukkalo abumwi, bantu bakalekela muntu kubika bupanduluzi bwakwe mwini kuli Ndilyo ku lwiiyo lwabukombi, a kutayo syoma kusimpikizigwa Kusetekene kwa Leza kuli Ndilyo. Obo mbo bupanduluzi bwa Leza. Kutali eco Nce wamba, eco muntuumwi umbi caamba, pele eco Leza ncaka syomezya; a ceeco Leza ncacita, cila tondezya kuti ngu Leza kucita kupandulula Lwakwe Mwini ku Ijwi Lyakwe.

<sup>64</sup> Ba kamwaambila noba Pentekoste, myaka yakainda, ili makumi one ayosanwe na makumi osanwe, nywebo bamanyokwe a bamauso, cindi niba kali ba Pentekoste beni, niba kazwa mu kabunga a kusinganya cintu a kweenda kuzwa kuli nkako: Mpawo mbuli mubwa ku malusi akwe, kabweeda nkoonya kuli nkako, kacita cintu nciconya eco cakajaya mbungano eyo, mwa kalijaya nobeni kwinda ku cintu nciconya. Taakwe kulwana

bantu bali omuya, taakwe ku kalwana, nziyanza zya cintu nze cicicta.

<sup>65</sup> Muunzi, Ndili...inka ku muunzi...Nse kambauki eci mu muswaangano wa muntu umwi. Ndiyo kambauka *I Mukondo Wa Nzoka*, alimwi mukauswiilile ikuti na mula bweza mateepu.

<sup>66</sup> Elyo, amubone, bakaimpya kubona kutondezegwa kwa zisinsime zya Ijwi lya Leza nizyakali kuzulizigwa. Ikuti na abo bapaizi...Ba kacibambide buyo mbubonya nzila Mesiya mbwa kali kunoyo sika, niba kaziba eco cakali kuyo citika. I Bafari... i Bafarisi baka jisi mizeezo wabo, Basaduki, Baherodia, a boonse, baka jisi mizeezo yabo. Pele Ta kaboola...Wa kaboola kwiimpana kuli umwi aumwi wabo, pele mbubonya ku Ijwi. Jesu wakaamba cintu nciconya awa: "Ikuti na mwakali Ndi zyi, nimwa kaziba buzuba Bwangu. Ikuti ni mwakalizi, nimwa... Yebo wati, 'Ee, Musa! Tuli jisi Musa.'" Kati, "Baa, ikuti nimwa kamusyoma Musa, nimwa ka Ndi syoma; nkaambo, wa kalemba Ndime."

<sup>67</sup> Pele, mwabona, cindi Leza nakali kutondezya ncobeni eco Nca kasyomezya, baka cijisi mu musyobo umwi wa nzila ya bulemu eyo Jesu nya keelede kusikila, a i...Nda amba Mesiya. I Mesiya wa keelede kusika nkoonya ku nkamu yabo nape Na takaba Mesiya. Ee, eyo nje nzila, itandila, asunu, "Ikuti na toboni kwinda mu magilazi angu, nkokuti tolangi pe." Mwabona, aboobo eyo—eyo nje nzila mboi—mboi bede. Swebo...Obo mbwini. Tula bujilwa kuyeeya booboo, pele bwalo Mbwini ncobeni.

<sup>68</sup> Mu Bahebrayo 1:1, Leza mu ziindi zyakale wakalemba Bbaibbele kwinda ku nzila Yakwe Mwini. Ta ka Li lemba kwinda kuli basilwiyo lwabukombi, nanka cuti Ula pandulula kwinda kuli basilwiyo lwabukombi. Kwakanyina ciindi eco—eco basilwiyo lwabukombi niba kasola kuba a bupanduluzi bwa Ijwi lya Leza. I bupanduluzi busika biyo ku musinsimi. Alimwi nzila biyo njo tuyu sola kuzwa mu lupilingano olu nkuti Leza atu tumine oyo musinsimi, mbubonya ncobeni, ncila biyo mbo ciya kucitwa. Kwa kasyomwa, kwa kalangilwa, a—a kuzulizigwa.

<sup>69</sup> Mwabona, tee Lya kalembwa aa muntu, pele Lya kalembwa aa Leza. Ta lili bbuku lya muntu, Ta lili bbuku lya silwiyo lwabukombi. Ndi Bbuku lya Leza, lili ndi Bbuku lya cisinsime lyakalembwa aa basinsimi a kupandululwa aa basinsimi. I Bbaibbele lyakati, "I Ijwi lya Mwami liboola ku basinsimi." Mbombubo!

<sup>70</sup> Ino mbo cakali cibotu cakazibisigwa, na, tondezegwa cindi Jesu nakasika aa nyika, a Johane wakali musinsimi wa buzuba obo, nkabela wa—wa kali kusinsima. Ba kati, "Oh, waamba kti Leza uyo mwayaula nsangano yesu mpati okuno a zintu ezi zyoonse? Alimwi kuyooba ciindi, eelyo matempele esu—esu nata kabelesegwa kukombela mumo na?"

<sup>71</sup> Wa kati kwakali kuboola cindi Leza nakali kuyo bamba cituuzyo kuzwa ku Kabelele ka Leza, Muntu. Alimwi wa kaamba kuti—kuti uyo Mu ziba cindi Aku boola. Alimwi wa kati... Wa kali masimpe maningi ku mulumbe wakwe, wa kati, "Uli imvwi mpoonya akati kanu lino pele tamu cizyi pe." Uli mpoonya akati kanu pele tamu cizyi pe.

<sup>72</sup> Elyo buzuba bumwi cindi Jesu nakeenda kuzwa, Johane wakalungumana a kubona ec o citondezyo atala Lyakwe, wa kati, "Amubone Kabelele wa Leza uwisya cibi ca inyika." Eelyo miniti ndyoonya Jesu wakaziba mpawo kuti Wa kasimpikizigwa kumbele ly a bantu. Lino, Wa kali Ijwi, sa nga twa kumbauzya boobo? I Bbaibbele lyakati Wa kali Ijwi, "Ku matalikilo kwakili Ijwi, elyo Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mubili wabuntu a kukkanla akati kesu." Elyo ngooyu Mbwa bede, i... Ndeeli Ijwi aa nyika (amulange! cakulondoka!) wazwa moonya mu maanzi kuya ku musinsimi.

<sup>73</sup> Mbo mbubo, Ijwi lyoonse liboola ku musinsimi Wakwe. Aboobo ta tukonzyi ku Li langila kuboola ku tubungwe. Ta tukonzyi ku Li langila kuboola ku tubungwe. Lye elede kuboola mu mukondo wa nzila ya Leza eyo Nja ka twaambila kuyooba, nkbela eyo nje nzila biyo Mboli yosila lyonse. Liyo sulaikwa, kusampaulwa, akukakwa. Cindi Ly a kusika, Liyo sowelwa ku lubazu lumwi, a zintuyonse, pele Leza uyo cicita nekubaboobo. Ly a akakwa muli Jesu Kristo, Ly a akakwa muli Johene, Ly a akakwa kwinda kuli Jeremiya, Ly a akakwa kwinda kuli Musa. Yakali nzila eyo lyoonse. Pele Leza ulazumanana kweenda moonya munzila Nja kasyomezya kuti Uyo cicita. Iiyi, munene, Ta kakilwi pe kucicita munzila njionya.

<sup>74</sup> I muntu wakabona cilengaano na kumvwa jwi Lyakwe, tako Li mvwisya cakumaninina. Mu twaabmo tunji ta kazi pe, nkaambo walo ncibelesyo buyo ca Leza. Miyeeyo ya Leza yatondezegwa kwinda mu milomo ya muntu; tuyeeeyo, mubwini, ndi ijwi lyatondezegwa. Leza ulacita kusala Kwakwe Mwini kwinda kukusala Kwakwe—Kwakwe kwa kakanzwa. Wa kacicita mu bukkalo abumwi, Wa kabikka muntu wa bukkalo abumwi. Mboli cindi Musa, cindi nakali afwi kuzulizya eo Nca kaambilia Abrahamu. Musa wakazyalwa kali mwana uli kabotu, ta kakonzya kucinca mukuba nzila eyo. Wa kazyalwa nzila eyo nkaambo wa kazyalilwa bukanze obo.

<sup>75</sup> Elyo aboobo tu jana kuti Leza ula cita eco mu bukkalo abumwi. Leza ulacita kusala Kwakwe Mwini kwinda ku kusala Kwakwe Mwini kwa kakanzwa, sala basinsimi Bakwe a zintu zya bukkalo; ulabamba—ulabamba bupange bwakwe, bupange bwa muntu, cilengwa cakukambauka kwa muntu ku... aa cipego cakwe a koonse oko nkvacita, kula swaana kuzundikizya kwa buzuba obo. Leza ulalenga muntu oyo a kumutuma. Alimwi mu mizeeo Yakwe Mwini, mboli Mbwe kakambauka busiku bwainda, tuli nseke ya jiini ya Leza. Wa kalizi kuti uulya muntu

uya kubako ku bukkalo obo, kakutana soleka kuba molekyu, na mumuni, na kufumbwa cimbi mu nyika.

<sup>76</sup> Nkambo uli jiini ya bauso, nkabela wakalimuli bauso, nekubabooobo bauso bakanyina luswaanano a nduwe nkaambo wa... Wa kali omuya, pele to kacizyi a balo teeba kacizyi, pele wa lubululwa kuti a... abe a luswaanano a ndinywe. Elyo yebo mukuzyalululwa, wakazyalwa ku Buumi Butamani. Eco nci ciimo biyo comwe ca Buumi Butamani, nkabela obo Mbuumi bwa Leza. Zoe, bbala lya Cigiriki ngu Zoe, ciimo comwe biyo ca Buumi Butamani.

<sup>77</sup> Mpawo ikuti na uli mwana wa Leza musankwa na mwanamusimbi wa Leza, wakali muli Leza ciindi coonse. Pele Wa kalizi busena a ciindi nokanoyo syangwa. Aboobo lino wakabambwa kuba cilenge, mwana wa Leza, mwana musankwa na mwanamusimbi wa Leza wakayubululwa ku kuswaana kuzundukizya oota eli ku kusimpikizya Leza wini mumi wa oora eli, Mulumbe oyo uuyutuka mu ciindi eci. Mbo mbubo! Wa kamанизigwa okuya kuzwa ku malengelo aa inyika. Ikuti na tii kwakalii obo... Ikuti na to kasalwa nzila eyo, takukwe makani kunji kosola ku Li kozyanisy, toka kacikonzyi pe. Mbobuti mbo konzya kugwisya bulowa kuzwa sokoli kakuli taakwe bulowa omuya?

<sup>78</sup> Ako nkekaambo Ndi sola kwaamba makani a bantu kuyeeya kuti twa kali... toongolweda banakazi kujatikizya masusu mafwaafwi, a bantu kaba ndaambilka kujatikizya kwaamba zintu ezyo kuti, "Uyo nyonyoona mulimo wako." Kunyonyoona mulimo oyo Leza Mwini gwa kakanza? Nkule loko! Elyo cindi bantu bamvwa Ijwi lya Leza... Cindi muvwanda amitwa muzyalilo lya banyina, cindi seelo lyomwe lya njila omuya, seelo limbi lyayaka atala ali eelyo. Talili seelo lyomwe lya muntunsi, litobela lya mubwa, a litobela lya kaaze, a litobela lya cintucimwi cimbi; ndya muntunsi, cigaminina, akumaninina nconzyo. Elyo cindi muntu azyalwa ku Muuya wa Leza, ta sanganyi cili coonse mu buumi bwakwe, Ndi Ijwi lisalala lya Leza lyaka simpikizigwa ku oora eelyo. Ula bweza Ijwi lizwide lya Leza, ta bikki buzumini bwabukombi, taakwe cintu cimbi muli Ndilyo. Ndi Ijwi lya Leza, linjoloma nconzyo lya yubululwa akati kesu.

<sup>79</sup> Amulange mu Bbaibbele, amubone awo, obo bukkalo mbo tuponamo kai, cindi mwa bona zintu ezi zipati kaziyubululwa. Cindi Leza nakasyomezya kucicita, Wa kacicita lyoonse. Ku mamanino a bukkalo abumwi cindi mbungano yasika ku busena bwaku nyonena, a kunyonakuzwa ku Ijwi kujokela ku cibi a zyanyika... Zyanyika neibi. I Bbaibbele lyakati, "Ikuti na uyanda inyika na zintu zya inyika, luyandisyo lwa Leza talumo akwalo muli nduwe."

<sup>80</sup> Nkekanaana busiku bwainda, Nda kali kukanana kujatikizya i—i cituuzyo eco cakatuulwa, Kabelele. Ake elede kuba mazuba

ali ciloba, kwiiminina makkolo aambungano ali ciloba. Tii kwa keelede kuba bumena akati ka bantu, taakwe bumena kwa mazuba ali ciloba. Eco caamba kuti taakwe caka sanganisigwa a Ndilyo, Li takwe bumena, kumaninina. Alimwi ta tuyanda buzumini bwabukombi, bumena a zintu kusangana a ndiswe. Ta tuyandi inyika kusangana a ndiswe. Ceelede kuba Cinkwa ca Leza citakwe bumena, Ijwi lya Leza, Ijwi lya Leza linjoloma, kwalo, "Muntu uyo ponena ku Ijwi lyoonse lizwa ku mulomo wa Leza."

<sup>81</sup> Ziyanza zyesu zyatubungwe, a kwiimpana a zintu, kwabikka bumena muli ndiswe, a *ceeci* a *ceeco* a inyika a kulisakatizya. Elyo, oh, kwatandila loko kuba Hollywood koonse. Kumalekelo eiboola kuba mbuli England okuya, Iwiiito lwaku cipaililo luyousisa nsoni. Ma! Mbuli mukwesu mbaamba, "Mbobuti mbo konzya kuleta nswi mu bwaato?" Mbo mbubo.

<sup>82</sup> Twe elede kuba a Makanimabotu kukambaukwa mu buzule Bwawo, a nguzu zya Leza ku kusimpikizya kweendelana ku cisyomezyo ca bukkalo obo a kutondezya olo ndoluyando Iwini lwa Leza. Kunze lya Ceeco uli membala buyo wambungano, takukwe makani kunji nkosola, kusola kucitila Leza mulimo. Inga wainka ku parti ya kusuma a mapatani, inga kosyomeka lyonse ku mbungano; pele citakuti eyo nseke ya Buumi Butamani yakali kanzidwekale muli nduwe, ku kuba mwanamusankwa na mwanamusimbi wa Leza, uyo lemana kuba cintucimwi; pele kutaba mwanamusankwa na mwanamusimbi wini iwa Leza.

<sup>83</sup> Kanji ndapa kaano kangu kaniini ka sikwaze muniini. Nzila mulimi mbwa kakumbya nkukunseke ciindi cimwi, elyo wa kajisi... Nda syoma cali mvwisyi kusanka cisetekene kuli ndiswe. Pele mulimi waka kumbya nkukunseke, elyo ya kali... kabulide ji lyomwe mu kubambwa. Nda zumbauzya naa umwi awa ulizi kuamba maji mbo kubede, kunji nko kujisi. Pele, nekuba, ya kabulide ji lyomwe, mu kuba amanji. Aboobo wa kabba mu citeente ca sikwaze, ya kaba a maji obile. Elyo wa kabikka ji kunsi lya nkukunseke.

<sup>84</sup> Cindi oyo sikwaze naka konkolwa akati ka tukuku tonse, wa kali muyuni uugambya. Ta kamvwisya kulilalila kwa nkukunseke, ta kaambaula mbuli yakwe... mbuli bwa kali kuyanda kayaambaula. Elyo ya kayanga mu lubuwa lwa mpulazi, a kulya kuzwa ku lubuwa lwa mpulazi, tee cakali cakulya cakwe. Wa kali kubbulyauka cakugalankana akati ato. I nkukunseke yaka kunga yalilalila nkabela ta ka cimvwisya. Waa kali kunga waunka nzila eyi a kulya *ceeci* a kulya *ceeco*, ta kacimvwisya. Aboobo buzuba bumwi banyina, na nyina, mubwin, kuli ndinywe. Ndi... Ku Musanza twaamba kuti "Baama."

<sup>85</sup> Aboobo, nekuba, wa...nyina wakwe—wakwe—wakwe wakalizi kuti waa kajisi maji obilo, elyo lyomwe biyo lya ngawo

lyakaliko, waa kaunka kuyandaula limbi. Waa kazungululka ku cisi coonse, nkabela kumalemelo waa kaulukila atala ly lubuwa lwa mpulazi. Waa kambona ansi alya katobela eyo nkukunseke ncembele. Waa kakwiila, “Omwana! Toli nkuku, nduwe sikwaze!” Eco cakamvwika buyo kabotu kuli nguwe. Nkaambonzi? Wa kali sikwaze kuzwa kukatalika.

<sup>86</sup> Eyo cindi mwaalumi na mwanakazi wakakkala kunsi lya buzumini a bukombi, bwakalengwa butontola, ikuti na wakaanzwa kuba mwana wa Leza, nkabela wa bona Ijwi lya Leza kali kambaukwa mu nguzu Zyalyo, a Leza ka Li simpikizya, ngu sikwaze ku kutalika, uyo zuzila kuli Ndilyo cakasimpe mbuli tuu tuu bbai foo. Ta konzyi ku cicinca, nkaambo bulenge bwakwe mbubonya bulandisya Ijwi lya Leza. Ta ndikwe makani umwi umbi ncaamba, cindi abona Ijwi lya Leza kali yubululwa, ula ulukila kuli Ndilyo nkaambo wa kali sikwazi muniini.

<sup>87</sup> Mbuli mbo bayabuya kwaamba, wa kati, “Baama, mbobuti Mbwe tasika atala kuzwa awa?”

<sup>88</sup> Eyo Wa kati, “Kosotoka buyo, Nda kujata.”

<sup>89</sup> Ece nce cintu biyo ncoelede kucita, nkusotoka buyo ku matende ako, kusotoka komwe kuya kuli Leza, cisymezyo comwe, “Mwami Jesu, Nda Ku syoma a moyo wangu oonse. Nda usyoma Mulumbe wa oora. Nda Ubona kautondezegwa, elyo Ndi lizi kuti Uli luleme.” Kosotoka ku matende ako, Bamaama bala kujata. Uta pengi, nduwe sikwaze, ulaba okuya ku kubweza.

<sup>90</sup> Lino, tula mvwisya kuti tupona mu ciindi cibotuloko a ciindi cilemu, pele cindi tusimpe twa Bbaibbele eli, basyomi babona oto kusimpikizigwa, kusimpikizigwa nkukonya kwa Ndilyo ncizibyo cakuti Leza uli muli Ndilyo. Nincobeni! Mpawo nkuti Ijwi lyaka syomezegwa, eelyo Leza ndya kasyomezya, lya yubununwa. I mbuto yapasuka, nkabela bala Li bona aku Li syoma. Bamwi taba konzyi nconzyo ku Li bona, kumwi bayo kkala aku Li langa.

<sup>91</sup> Nywebo mulizi, Nda kakambauka canguzu loko ku—ku... cisi eci coonse, kuteeti ta kweelede kuba mwanakazi ujis masusu mafwaafwi mu cisi. Pele, ciindi coonse, Nda pilukila, kuli banji. Ino ndipenzi nzi? Kuli cintucimwi cilubide! Nywebo mulizi Ijwi lyaamba boobo! Nywebo mwati, “Ee, eco ta cibambi lwandaano lumwi.” Cila panga lwandaano!

<sup>92</sup> Nguulya mukwesu mubotu, wakati, “Njo bikka maanza ali nduwe, Mukwesu Branham. Nda kuyanda. Yebo unyonganya mulimo wako.” Kati, “To jisi ncito ya kwaambilila banakazi kujatikizya ceeco.” Kati, “Lekela beembeli baciswe.”

<sup>93</sup> Nda kati, “Taba ciciti nekubaboo.” Nda kati, “Lino...”

<sup>94</sup> Wa kati, “Ee, eyo tali ncito yako, ko pailila buyo baciswa.”

<sup>95</sup> Nda kati, “Ino ncito yani, kai? Nda kaitilwa kukambauka Makanimabotu.”

<sup>96</sup> Kati, “Njo bikka maanza ali nduwe akulomba Leza ku cigwisya kuzwa kuli nduwe.”

<sup>97</sup> Nda kati, “Ikuti na ula—ula ndilekela kubikka maanza ali nduwe, ambebo.” Mwabona? Elyo Nda kati, “Njo paila kuti Leza akajule meso ako nkabela kuyo Ci bona.” Aboobo, mbo mbubo!

<sup>98</sup> Wa kati, “We elede kukambauka . . . I bantu basyoma kuti uli mulanda, musinsimi wa Leza.” Wa kati, “We lede kuyiisya banakazi nzila ya—ya kutambula zipego zipati a cisinsime a zintu.”

<sup>99</sup> Nda kati, “Mbobuti Mbwe konzya kuba yiisya zya namba kakuli taba kakonzyi akwalo kusyoma ma ABC, lutaanzi?” Mwabona? Mbo mbubo. Aboobo to—to konzyi kucicita. Eco cili boobo mu oonse . . . Mbo mbubo. Ikuti na to konzyi kucita zintu zyalyonse, mbobuti mboya kucita zintu zyakumuuya? I zintu zyakunyama. Cili masimpe! Mukwesu, mucizi, inga calimvwisya mbuli kudana, pele Alo Makanimabotu! Bwalo i—Bwalo Mbwini bwa Makanimabotu. Mbo mbubo!

<sup>100</sup> Amubone, tu jana kuti sunu bantu . . . Kuli bantu banj bata konzyi ku Li syoma, nobaba bantu bazwide Muuya. Ndila mupa comwe ciyo musika. I lubbizyo lwa Muuya Uusalala talwaambi kuti uyo njila, nee nconzyo, kutali ali ceeco, talu jisi cimwi cakucita a buntu bwako. Olo ndubbizyo, mwabona. Mbuubo buntu bwa *mukati*, mu kati omu, bweelede kuzwa kwa Leza. Pele mpawo aanze lyako ujisi magano osanwe, a osanwe kuzwa . . . tunjililo kuli bwako . . . kukwaba muunzi wako waansi. I mukati, ujisi muuya, alimwi omuya ujisi tuzwido tosanwe: manjezeezya a, luyandisyo lwako, aamwi ambi, tuzwido tosanwe ku muuya oyo. Amuyeeye, mu muuya oyo inga wabbizigwa a Muuya wini wa Leza elyo ko cisweekede. Bwalo mbuntu bupona, obo bwakakanzwa aa Leza.

<sup>101</sup> Sena Jesu ta kaamba kuti, “Banji bayosika kuli Ndime mu buzuba obo, akwaamba, ‘Mwami, sa Nse katanda madaimona, kacita milimo, mipati yanguzu, kasinsima, zipego zipati zya Leza?’” Wa kati, “‘Amuzwe kuli Ndime, nywebo nomucita milandu, Nse kamuzyi akwalo.’ Banji bayosika mu buzuba obo.”

<sup>102</sup> Sena Kayafasi taka sinsima? Wa kali dyabulosi. Tula jana alyo . . . Alimwi balo bapaizi, balo bantu balemu, bakali kulangilwa kuba basololi bapati mu mazuba ayo, a bubombe a zintuzyonse zimbi, pele baakakilwa kubona Ijwi lya Leza ku Ligama kaliyubunulwa kumbele lyabo.

<sup>103</sup> Inga twa bweza cikama cabu abo Mbe lembede awa. Ino kujatikizya Balamu? Wa kali ii . . . Nywebo mwati, “Leza ulacinca muzeezo Wakwe.” Ta cinci muzeezo Wakwe!

<sup>104</sup> Cindi Balamu nakaunka mbuli musinsimi, a kuselemukila okuya, bbishopo, mukambausi, kufumbwa mboyanda ku mwiita, wa kali muntu mulemu. Pele cindi na kabuzya Leza ku makani akuselemukila okuya kuya kusinganya Israyeli, ta kali kubayanda kuzwa kukutalika, aboobo cindi na kalomba kwiinka, Leza wakati, “Uta inki!”

<sup>105</sup> Mpawo bakatuma nkumekume, cikama, bamwi ndiza ca mabbishopo na baalu bazyuuno, na cintucimwi, kumusanza, kati, a lwiyo lunji, kuyo musungilizya. Wa kabweeda a kubuzya Leza alubo. Ta elede kubuzya Leza ciindi cabili! Cindi Leza acaamba lutaanzni, nce Ncico! To elede kuno lindila cimwi.

<sup>106</sup> Rabeka taka lindila kujana kulaililwa kwabili. Ba kamubuzya, kati, “Sa ula unka?”

<sup>107</sup> “Amuleke aambe.”

<sup>108</sup> Waa kati, “Nda unka!” Waa kali nanikidwe canguzu a Leza. Waa kaba umwi wa banamalelo ba Bbaibbele nkambo kakukuttauka a kuduntaana kwa Muuya wa Leza oko kwa keenda ali nguwe kutambula eco cakali ca bwini ncobeni, nkabela waa ka cisyoma.

<sup>109</sup> Lino tu jana kuti, Balamu, mubwini, ta kakonzya kubona. Wa kaunka akulanga bantu, kati, “Lino, aniini buyo! Tuli bantu balemu, ncobeni atala awa, muli cikama buyo cabasabalangene.” Nywebo mwabona? “Elyo toonse tula—toonse tula musyoma Leza nguonya.”

<sup>110</sup> Obo mbwini. Boonse basyoma Leza nguonya. Boonse bakali kukomba Jehova. Amulange cituuzyo ca Balamu: zipaililo zili ciloba, mweelwe wa Leza uulondokede; mambungano ali ciloba, mwabona; bagutu bambelele bali ciloba, kukanana kuboola kwa Mwami. Cambaakani, wa kali buyo simbaakani mbuli Musa mbwa kabede; pele, nywebo mwabona, kwakanyina kusimpikizigwa kwa Buleza. Omuya, bobilo bakali basinsimi.

<sup>111</sup> Pele kunsi ly a mulimo wa Musa, kwakali Musumpululu wa Mulilo wiindakugambya, Mumuni oyo wakalengelela ku cilabba. Kwakali kuponesegwa kwa Buleza, kwakali koongolola kwa Mwaami mu cilabba, zitondezyo zipati, kupoenesegwa kwa Buleza, a zigambyo a zintu zyakacitwa akati kabo. Cakali citondezyo ca Leza muumi akati ka bantu Bakwe.

<sup>112</sup> Cambaakani, bobilo bakali luleme. Alimwi Balamu wakasola kusungilizya bantu, a kubalowela muli ncico. Lili? Kabatana buyo kusika ku nyika ya cisyomezyo. Buzuba bomwe na obilo, bakali mu nyika ya cisyomezyo.

<sup>113</sup> Pele lino Nda yoowa . . . Eyi ni mpa njumu kwaamba, amwi mazuba aya Njo dubulwa nkambo ka Ndilyo. Pele amuyeeye eci, kuti, mambungano ali mukulowegwa ku Kkanso Yabupaizi, ili mukutola moonya muli njioyo, kwaamba kuti, “Muli nkamu yomwe.” Ta muli nkamu yomwe! Amuzwe akati ka zintu ezyo a

kwaandaana! Cili masimpe, Nca bwini. Twe elede kutantamuka kuzwa ku zintu ezyo, kulaale mbuli mbo mukonzya kuzwa kuli ncico.

<sup>114</sup> Balamu wakati, “Tuli . . . atu lekele bana besu bakwatana antoomwe nkaambo, akwalo, tu syoma Leza omwe.”

<sup>115</sup> “Mbobuti bobilo mbo bakonzya kweenda antoomwe citakuti bazuminana?” Mbobuti mbo mukonzya kweenda a Leza citakuti mwa zuminana a Ijwi Lyakwe? Mbobuti mbo mukonzya kuyungizya buzumini azimwi zimbi kuli Ndilyo, kakuli mwa kasalilwa kuta cicita, na, kulaililwa kuta cicita? Tamu konzyi kucicita. Takukwe nzila ya kucicita, mukwesu, mucizi. Tamu konzyi kusanganya bumena a citali cabumena. Mafuta a maanzi tazi kasangani. Mudima a mumuni tazi kasangani. Mumuni ula nguzu kapati, ula tanda mudima.

<sup>116</sup> Elyo aboobo ta tukonzyi kucisanganya antoomwe. Naanka kuti inga wasanganya cibi a inyika antoomwe. To konzyi kusanganya Mbungano a kabungwe antoomwe. To konzyi kusanganya Mbungano a buzumin antoomwe. To konzyi kusanganya inyika Makanimabuto antoomwe. Ta zikasangani! “Amuzwe akati kabo, a mwandaane,” mbwaamba Leza, “Njo mutambula kuli Lwangu. Muyooba bana Bangu basimbi a basankwa, Njo oba Leza kuli ndinywe.” Ta tukonzyi kucicita kusikila zintu ezi zyayubululwa, alimwi Ijwi lya Leza ku oora lyatondezegwa kuba lya Bwini. Amutobele ndyato zya maulu.

<sup>117</sup> Pentekoste, nkekaambo Luther ncaka sweekelwa mulumbe wakwe. Eyo nje nzila Wesley njaka sweekelwa mulumbe. Mwabona, ikuti na mbungano ya Wesleyani niya kazumanana, nibakaba ba Pentekoste. Ikuti na bana Lutherani niba kazumanana, nibakaba ba Methodisti. Mwabona? Lino ikuti ba Pentekoste bazumanana, uyooba Nabwiinga. Ikuti na mwa jatilila kusule a kuya bujokela mu inyika mbuli mbo mucita lino, muyo sweeka! ciyooba biyo cikwa, nkabela cikuba ceelede kutentwa. Tu lizi obo. Uyo bungika Whiiti Wakwe mu butala. Pele busenga Uyo buumpa a mulilo uutazimiki, nekubakuti cakali ciyumuzyo. Caka Ibweza ncobeni. Pele Buumi bwa kacisiya mbu lyakabede buyo tuvu, bwa kaunka ku kubamba cintucimwi cimbi kusikila cakasika ku ciimo cizwide.

<sup>118</sup> Elyo mbubonya Mbungano mboiya mu Kululamikwa, Kusalazigwa, Lubbizyo lwa Muuya Uusalala (kuboozezya kwa zipego), kuyabuya mu kubumbwa kuba cinkozya ca Kristo. Kristo ngu Sibwiinga, Mbungano ngu Nabwiinga, alimwi Nabwiinga ncibeela ca Sibwiinga. Uyo elela ku Mbungano ya Ijwi, kutali mbungano yakabungwe. Iyooba Mbungano ya Ijwi, Ijwi lya kayubununwa, alimwi a Ijwi lya Leza lyakasimpikizigwa.

<sup>119</sup> Balamu, ta kakonzya kubona lwandaano. Banji tabakonzyi.

<sup>120</sup> Farao takakonzya kuli Li bona, nekubakuti Lyakwe kasimpikizigwa nkoonya kumbele lyakwe.

<sup>121</sup> Datani takakonzya ku Li bona. Datani wakazwa okuya, alimwi wa kabona Musa nkabela wakaziba. Wa kainka okuya, wakati, "Yebo usola kuyeeya kuti uli muntu olikke mu nkamu. I mbunga yoonse ila salala!" Leza takabeleka boobo. Wa keelede kuziba kabotu kwinda obo. Elyo wa kati, "Ee, mbunga yoonse ila salala. Usola kulibamba lwako..." Ikuti na ingwa twa caamba sunu, bwaambe bwa mutugwagwa, "I bbwe lilikke aa nkowme."

<sup>122</sup> Elyo Musa wakalizi kuti Leza waka mutuma kumusanza okuya kuli ceeco. Wa kaamba buuyo kuti, "Mwami..." kawida i-i mu kazila kaya mu cikombelo.

<sup>123</sup> Elyo Leza wakati, "Kolyandaanya lwako kuzwa kuli nguwe." Elyo Wa kabacitya kumenwa.

<sup>124</sup> Elyo amuyeye, cindi Israyeli ncoya kacita (kwinda kuli Balamu kwaamba kuti, "Boonse bali bomwe."), eco cibi tii caka jatilwa kuli Israyeli. Elyo amulange, andi mupe cikozyanyo; kuzwa mu mamiliono obilo akazwa mu Egepita, bobilo babo baka njila mu nyika ya cisomezyo. Umwi aumwi wabo wakalya cintu nciconya, boonse bakazyana mu Muuya, boonse bakali jisi zintuzyonse zikozyenye; pele eelyo nicakasika ku ciindi ca kwandaana, Ijwi lya kaandaanya. Mbubonya mbo cibede asunu! I Ijwi lya kaandaanya! Eelyo nicakasika ciindi, wa kati, "Baa, mpaawa, tuli..."

<sup>125</sup> Kutandila munsi, kuboneka, Bbaibbele lyakati, "Ku mazuba akumamanino myuuya yobilo," Matayo 24:24, "inga bayo tandila munsi, kuocenga Basale mbabonya ikuti nicakali kukonzeka." Eco cikwa cilibonya mbuli whiiti ncobeni, pele tacili whiiti. Mwabona? Ta ili whiiti, pele ciboneka mbubonya mbuli njiyo. Mwabona? Kutandila munsi, ciyo cenga Basale mbabonya. Mwakapanga kabungwe a kuwida mu kabungwe ako, akuyuminina a kufwa, a whiiti yaka zumanana ncobeni kwinda i... Mwabona? Oko kuli luleme! Calo nciyumuzyo, pele kutali whiiti.

<sup>126</sup> Amuyeye, whiiti izumanana buyo kweenda. Mu bubuke zyoonse nsana zya whiiti ziyo boola moonya muli whiiti, mbuli mbo iinka kupanga mutwe, kuyo yutuka mu bubuke bupati.

Teeya kajatilwa!

<sup>127</sup> Atwi ime awa asyoonto. Ndi syoma kuti Nse komusika. Pele, amulange, andi mubuzye cintucimwi. Atu bweze buyo eco. Kwaamba, kupa mukozyanyo, ikuti na oku kubala kuno luleme. Cindi nseke yakwa ku mweenze a muzyazyi wasika, ikuti na mwakasola kuziba tesiti tyuubbu na-na kutintanya azimwi zya ng'ombe, muyo jana kuti kuzzuba kuzwa ku mweenze kubikka nseke zitandila ku milioni. Elyo kusuba kuzwa ku muzyazi kubikka maji ali milioni. Pele sena mwakalizi kuti

kuli lyomwe biyo lya ngawo ajisi munzuka? Twalo tunamani tuniini, na kufumbwa mbo tubede, muli aya mamilioni aa nseke, nseke zili milioni, kuyooba nseke yomwe niini iyo libusya akati ka nseke zimwi zimbi a kwiinka atala mpawo a kujana iji eelyo lijisi munzuka a ku kwakwalikila muli ndilyo, nkabele zimwi zilafwa. Yomwe kuzwa muli mbabo yakasalilwa buumi, zimwi pe, nekubakuti zyoonse zila kozyanya. Yomwe kuzwa mu milioni!

<sup>128</sup> Ino kuti caba booboo sunumasiku? Kuli mamilioni ali myaanda yosanwe, bayeeyelwa kuba, Nda yeeya, Banakristo mu inyika, kutandila mweelwe oyo, kutola ku mweelwe omwe. Ikuti na Kukwempwa kwasika sunumasiku mpawo, mu baumi baunka, inga kwaba biyo bantu bali myaanda yosanwe. Ee, kuli batako banji mu buzuba, kutandila, abo mbe takonzyi kupeda bulunguluzi. I Nabwiinga uyo tolwa nkabela tuno libuzya makani ankuko; a bantu kaba zumanana ncobeni kukambauka, kabati “bajana eci, a eco, a cimbi,” elyo amulange lweeno lunga lwaba. Kwaamba ikuti na caba booboo; Ta ndaambi kuti mbo cibede, Ta ndizi, Nse jisi nguzu ezyo. Leza ngo Mubetesi wa ceeco. Pele amulange nzila mbocili citete kukonzya kicitika, mu mweelwe yoonse a zintu, nzila mbo cikonzya kutondezegwa.

<sup>129</sup> Nkaambonzi Kora takabona Ceeco? Nkaambonzi Datani takabona Ceeco?

<sup>130</sup> Nkaambonzii Ahabu taka Ci bona? Cindi Ahabu... Cindi Josefati nakaselemukila kuli Ahabu, wa kati, “Ahabu, tuli mupenzi. Sena ulizi kuti Leza waka tupa nyika eyi? Joshua waka yaabaula. Yebo ulizi kuti aka kabeela kanyika okuno ba Siria nkeba katola, sa ako takali kasena kesu?”

“Iiyi!”

<sup>131</sup> “Bana besu bafwa nzala, nkabela ba Siria (basinkondo besu) ba sanina bana babo, kabazuza mada abo a whiiti oyo weelete kuba wesu.” Eco nca Lugwalo ncobeni. Kati, “Sa ula ndigwasya kwiinka kutala okuya a kubweza eyo?”

<sup>132</sup> Lino, ziindizimwi muntu mubotu kunsi lya koongelezegwa kwa bubi uyo tamba. Ncibotu walangilila, o mbungano, langilila kabotu maningi.

<sup>133</sup> Lino, cintu citaanzi mulizi, Josefati, mukuba mukombi mulemu, wa kati, “Ee, tuyu unka kutala, masimpe, ankalaki zyesu, Tuli bantu bomwe toonse.” Pele tiiba kali bantu bomwe! Peepe! Wa kati, “Ee, nkalaki zyesu ni nkalaki zyako, bantu besu mbantu bako. Masimpe, tuyu unka.” Wa kati, “Pele atu buzye Mwami lutaanzi.”

<sup>134</sup> Aboobo wa kati, “Oh...” (Ahabu) “...ee, taakwe kuzumbaunya, twe elede kuyeeya booboo. Ee, tuyu...”

<sup>135</sup> “Sena takukwe musinsimi wa Mwami?”

<sup>136</sup> Kati, “Ndi jisi babo bazwide mu seminari. Ndi jisi bali myaanda yone anselelo awa, balo bainda baliko. Boonse bajisi abo ma Ph.D., L.L.D., abubili ma L.D., a zintuzyonse zimbi ziinka acalo. bali bomwe...” Lino amuyeeye, bakali basinsimi *Bahebrayo*, bakalikuzwa ku cikolo ca basinsimi.

<sup>137</sup> Kati, “Kobaleta kutala, atu bamvwe.”

<sup>138</sup> Lino, Ndi syoma kuti wakali Zedekiya (Mweendelezi mupati kuli bbishopo, boonse babo) kasika okuya, alimwi wa kajisi bunanike. Wa kajisi bunanike, ncobeni. Wa kasika okuya, akuli pangila meja mapati obilo aa butale. Wa kati, “Nywebo mulizi, MBUBOOBU MBWAAMBA I MWAMI, ‘Muyo tola meja aya a kutonta ba Siria kulaale kuzwa mu cisi.’”

<sup>139</sup> Ee, boonse bamwi babo bakasinsima, “Eco cililuleme nconzyo!” Umwi aumwi wabo, seminari lyoonse, mu kuzuminana. Mwabona?

<sup>140</sup> Ahabu wakati, “Yebo wabona?”

<sup>141</sup> Josefati, mukuba musyobo wa simuuya, nywebo mulizi, ta kayuminina do, wa kati, “Pele sa takukwe umwi umbi kubusena bumwi, ngo tukonzya kubuzya?”

<sup>142</sup> “Nkaambonzi ncoyanda kubuzya bambi, kakuli yoonse ya Bupaizi (kkanso mboizulwa), yaamba kuti ‘Kuli kabotu?’” (Amundi jatile, mwabona.) “I cintu mbocizulwa caamba kuti, ‘Eco neco tweede kucita.’” Mwabona? “Eco neco tuyandikana kucita.”

<sup>143</sup> Wa kati, “Pele sa takukwe umbi na kubusena bumwi?” Oyo umwi ugambya, nywebo mulizi.

<sup>144</sup> Wa kati, “Iyi, nkiali. Nkiali omwe, Mikaya mwana wa Imula pele Nda musulaika.” Lyoonse munzila eyo. “Nda musulaika nkaambo lyoonse ubwekela buyo bantu, akundi singanya, akwamba bubi boonse kujatikizya ndime. Nda musulaika muntu!”

<sup>145</sup> Kati, “Aah, mwaami ataambi boobo.” Kati, “Koya kamulete.”

<sup>146</sup> Aboobo bakainka okuya ku mwana wa Imula, bamwi ba i—i mabbishopo, na, bamwi baalu, a kwiinka okuya, akuti, “Lino, swiilila, sena uyanda kujokela mu kabunga alubo? Uambe cintu comwe neco baamba, bala kujosya.”

<sup>147</sup> Pele mpaawo kwakacitika kuba kuti Leza waka jisi muntu nga bata konzya kubikka maanza; Leza waka bikkide maanza Akwe ali nguwe. Wa ciboni ca Bwini bwa Leza. Kati, “Masimpe,” kati “Nda selemuka, pele Njo amba biyo eco Leza nca bikka mu mulomo wangu.” Ngooyo muntu wa Leza. Wa kati, “Amundipe busiku bomwe.” Aboobo busika bwakasika, elyo Mwami waakanana ku musinsimi, uutakweankwaya muniini. Elyo cintu cintaanzi mulizi, wa kazwa cifumo citabela.

Kati, "Ino kujatikizya ncico, Imula?"

<sup>148</sup> Wa kati, "Amu zumanane," kati "pele Nda bona Israyeli kiimwaikide mbuli mbelele aatala ly a cilundu, kiitakwe mweembezi."

<sup>149</sup> Wa kati, "Ino Nda kwaambila nzi! Ino Nda kwaambila nzi kujatikizya ncico!" Elyo wa kati . . .

<sup>150</sup> Mpawo bbishopo mupati wakaya kumbele a ku mubakula lubayi ku mulomo, kati, "Nkuuli Muuya wa Leza nko waunka? Nkaambo Ndi lizi Nda kajisi Muuya; Nda kazyala muli Nguwo, Nda kacita ezi zintu zyoonse. Mwabona, Nda—Nda kajisi Muuya ali ndime. Nkuuli nko Wa unka?"

<sup>151</sup> Lino, mwabona, Imula mukuba mwana wa Leza, na musinsimi wini wa Leza, wa kalangalanga cilengaano cakwe kubelesya Ijwi. Ikuti na tii lyakali Ijwi, cili lubide. Mwabona? I Ijwi ly oora eelyo, Mwabona. Lino, wa kaamba camalembe, nyika yakali kuzulilwa kuli mbabo, nyika yakali yabo. Camalembe, zintuzyonse zyalibonya kululama pele cintu comwe.

<sup>152</sup> Amuyeeye, lyakali Ijwi lyomwe ly kaletela kuti lupilingano loonse lusike, Eva wakaunduluzya Ijwi lyomwe ilya Leza; mu kutilika kwa Bbaibbele, Ijwi lyomwe lyakaleta penzi. Jesu, wakasika akati ka Bbaibbele, wakati, "Muntu uyo ponena ku Ijwi lyoonse lizwa ku mulomo wa Leza." Elyo kumamanino aa Bbaibbele, wakati, "Kufumbwa umwi uyo gusya Ijwilyomwe na kuyungizya ijwi lyomwe kuli Ndilyo."

<sup>153</sup> Ncibeela ca Makanimabotu... Iba Methodisti bali jisi cibeela, ba baptisti, ba Presbyteria, abamwi bambi, bali jisi cibeela ca Ndilyo, ba Katolika bali jisi cibeela ca Ndilyo, Bakamboni iba Jehova, aboonse bamwi babo.

<sup>154</sup> Pele ndi Ijwi mbolizulwa, Ijwi lyonse, Ijwi ly oora, ndeli jisi makani. Elyo ta tuka ciciti kusikila Leza wananika musinsimi oyo ukonzya kwiimikila aku Lya amba, aku Li simpikizya, aku Li tondezya kuti Ndya kasimpe. Liyo sweemuka moonya mu bantu, taba ka Li zibi pe, mbuli buyo mbo kwakabede lyoonse.

<sup>155</sup> Noba Katolika, mbuli Joan wa Arc, mwa kamuumpa ku cijailo mukuba mulozi; kumane mwa kavumvulula mibili ya bapaizi, kumane myaka iili myaanda, akwiisowela mu mulonga. Tii mwa kamuzi Musalali Patrick a bamwi babo.

<sup>156</sup> Ciyo inda moonya mu maanza anu alubo, cintu citaanzi mulizi. Leza uyo cicita, alimwi tamu kaciboni akwalo kuti cakacitwa. Mwabona, Walo usweemuka buyo moonya a kubweza Nabwiinga Wakweaku Mu tola kujulu ncobeni, aku Mu kwempa kuzwa, kuzwa mpoonya akati ka bantu.

<sup>157</sup> Tu jana kuti, oyu Mikaya muniini wakati wa kalangalanga, wa kalizi kuti Leza wakali ambide, kwiinda ku musinsimi wini kumbele. I musinimi kumbele lyakwe, ncinzi nca kaamba? Wa

kaamba eci, wa kati, "Ahabu, nkaambo wa katila mululami, na bulowa bwa mululami Naboti, babwa bayo ntvakizya bulowa bwako ayebo, a Jezebele." Oobo mbumbubo ncobeni, cakacita kucitika nkaambo Leza wakali caambide. Mbobuti oyo musinsimi mbwa kakonzya kusinsima cibotu kakuli bwakali buli kuli ncico?

<sup>158</sup> Mbobuti Mbwe konzya kwaambila obu Bukkalo bwa Mbungano ya Laodikeya zintu zibotu kakuli Leza waakanana kubulwana? Uli sicinswe, uusampaukide! Yebo wati, "Ndili vubide, Ndi jisi cibotu... Ndi jisi mambungano mbuli Methodisti, aba Baptisti, aba Presbyteria. Ndi jisi *eci*, Ndi jisi *eco*; i ciinda *eci*, *eco* alimwi a *cimbi*." Mbo mbubo, pele tozi kuti uli cinswe, moofu, uusampaukide, ku cintu cini *eco* Leza ncayubununa. Ciyo inda moonya muli ndinywe, mbuli *obo*, akuzwa nconzyo. Mwabona? Amusyome, nobantu, ciindi nocitana mana.

<sup>159</sup> Lino, tu jana kuti wa ka muuma ku mulomo, akuti, "Ni nzila nzi Muuya wa Leza...?"

<sup>160</sup> Mikaya wakati, "Nda bona Leza kakkede aa Cuuno cabwami. Elyo bonse... Wa kaita baiminizi baku Julu, kati, 'Nguni ngo tukonzya kutuma aansi kuyo cenga Ahabu?'" Kati, "Elyo umwi muuya uubeja wakayutuka a kuwida kumbele lyu Leza; mubeji." Elyo amuyeyeye, kuti muuya uubeja wakanjila basinsimi abo, ba keelede kuziba mpawo kuti muuya wakali ali mbabo tii wakeendelene a Ijwi. Pele bakabwezwa maningi nkaambo bakali basinsimi ba mwaami, nkaambo baka cita kabotu zintuzyonse.

<sup>161</sup> Obo mbobubo mbungano mbo yacita asunu. Wa katantamuka ku luzibo olo lwaciyyanda cakale ndo kajisi myaka yakainda cindi nimwakali kwiimikila mu tunyoneno twa tugwagwa a kukambauka Makanimabotu.

Mwa kazwa mu tubunga oto a kuliita nobeni kuti "bantu baangulukide" (Heyi!) nkaambo wa kavungwa muli ncico alubo, mbuli nkutula ku ntimba yakwe na mubwa ku malusi akwe. Ikuti na akamutcitya ku luka ciindi citaanzi, ayo mucitya ku luka alubo. Mbo mbubo! Leza waka muswida kuzwa ku mulomo Wakwe, Wa kati, "Ula kasaala, kutapisya na kutontola"; kuba a miswaangano misyoonto, mpawo kulizya ziimbo, zisyoonto, a—a kwiimba anii, kakuli, cili kumaninina... citandila kuba sampa ku Bunakristo.

<sup>162</sup> Mwana wangu wakandi itila okuya buzuba bumwi kulanga televizhioni kayeeyelwa kuba nzuki ziimba awo bantu mpo basika. Eco cikama caba Ricky baniini kabaimvwi awo, kaba zungaana kuzunguluka eci cizyano cakulyuumba buniini, a kwiimba nyimbo, ndi sampa kuli Jesu Kristo! Takucikwe kusetekana limbi mu mbungano pe. Kuboneka kuti coonse caba cintucimwi ca cizyano cakulyuumba buniini, a kukweebela

kwa mafashioni mubusena bwa Mbungano ya Leza muumi oko Jesu Kristo nkwickonzya kuli yubununa Mwini mu nguzu. Kuli ndime kuboneka kuti, kuli cintucimwi cilubide kubusena bumwi. Bali mukusweemuka kuzwa. Alimwi Bbaibbele lyakati kuyooba boobo. Mwabona? Amulange mpo mubede. Amu cenjele, amusinsimuke ciindi nocitana mana.

<sup>163</sup> Lino tu jana kuti, Wa kati, “Nguni ukonzya kuunka okuya kuyo cenga Ahabu, ku musisya okuya ku kuzulizya ayo majwi aa musinsimi?” Mwabona, ikuti na musinsimi wakaamba Ijwi, majulu a nyika ziyo loba pele Tali konzyi kukakilwa. Lye elede kucitika. Aboobo mbo cibede, celede kutola busena.

<sup>164</sup> Wa kati, “Amu mubike mu ntolongo ya mukati, aku musanizya cinkwa cakubuya a maanzi akubuya. Cindi Nda kupiluka mu luumuno, Nzo mubeleka.”

<sup>165</sup> Mikaya wakaima alya canguzu, kazi kuti wa kajisi Muuya wa Leza. Cisinsime cakwe, zilengaano zyakwe zyakali luzi. Mulumbe wakwe wakali luzi, nkaambo Wa kali MBUBOOBU MBWAAMBA I MWAMI kuzwa ku cilengaano, MBUBOOBU MBWAAMBA I MWAMI kuzwa ku Ijwi. Ca keelede kululama, cakali MBUBOOBU MBWAAMBA I MWAMI. Wa kati, “Ikuti na ukapiluke nconzyo, Leza takanana kuli ndime.” Alimwi nywebo mulizi caka citika, masimpe. Mwabona, nywebo . . .

<sup>166</sup> Kwamvugwa, mukwesu. Swiilila.

<sup>167</sup> Masimpe, Kayafasi, ta kakonzya ku Ci bona. Nkaambonzi na takalanga ansi . . . ? Wa kali ii—wa kali bbishopo, wa kali poopu wa mambungano oonse antoomwe. Nkaambonzi ulya muntu nata kakonzya kubona Jesu kaimvvi alya? Nkaambonzi ncata kakonzya kumvvisya? Kakuli bakali kwiimba Ntembauzyo 23, Ntembauzyo 22, mubwini, mu cikombelo, akuti, “Leza Wangu, Leza Wangu, nkaambonzi Wa Ndi siya?” elyo ngooyo Wa kali kulengelela aa ciingano. I Magwalo ngaonya, Leza nguonya ngo bakali kukomba, ba kali ku Mu pa mulandu aku Mu jaya kukuba “sikwiindilizya.” Nceeco we.

<sup>168</sup> Inga mwa gambwa ikuti na Nda mwaambila kuti eco ciliafwi kuloolola. I Bbaibbele lyakati Wa kali anze kasola ku konkoma kuti anjile, nkabela taakwe waka Mu lekela kunjila, “Oyo Ngwe yanda Nda mukoma akumutapatila, Nda mukwibbaula, Nda zungaanisizya ansi, pele nkaamb buyo kakuti Nda tuyanda. Ojulaaku Ndi lekela kunjila.” Inzya. Takakonzya ku . . . “Amuyeeye, Ta ndiyandi kunjila mu eikombelo; walo nguwe, mugame.” Ta kakonzya kunjila mu eikombelo, baka Mu tanda. Biyo . . . mpawo, biyo kabunga ka boonse babo, mboobu bukkalo bwa mbungano, Mwa kali aanze lya cikombelo. Bakamugusya! Bakatama! Baakaka! Nkaambo . . . Wa kayubululwa biyo mu cindi cisyoonto mu mambungano amwi, mu ciimo ca kululamikwa, abumwi; pele omu, bukkalo obo buboola lino, nkuyubululwa kuzwide kwa

kusimpikizigwa kwa Jesu Kristo mbobuca nguwenya, sunu, amuya myaaka. Oh, Nda zamina kuti tujisi basikulikozyanisya banji, pele amulangelange umwi mutaanzi, wini.

<sup>169</sup> Musa waka selemuka a milao ya Leza, kuyo vuna Israyeli; elyo cindi na kacita, wa cita maleele amwi. I basikulikozyanisya bakamu tobela. Ikuti nibakali bataanzni, na kaba sikulikozyanisya. Mwabona, wa kajisi Ijwi lya Mwami, nkabela Mwami waka simpikizy; Wa kaumuna buyo zii.

<sup>170</sup> Elyo, nywebo mulizi, cintu nciconya caka syomezegwa ku mazuba akumamanino? “Mbuli Jambre a Janesi mboba kakazya Musa, mbubonya mbobaya kucita bantu aba ba mizeeo ya bazangi kujatikizya Bwini.” Elyo cindi kabunga kabamba ii...kabweza muntu kwinda mu kabunga ako, citondezya kuti tii cakazwa kwa Leza; nkaambo, Leza ucita zintu ezyo kukukwelelezya mizeeo ya bantu, elyo mpawo Mulumbe ula citobela. Ikuti na tacili obo, nkokuti tacili ca Leza. Tali Leza! Leza lyoonse ulacita eco.

<sup>171</sup> Judasi taka konzya ku Ci mvwisya. Wa keenda ncobeni a Nguwe, ta ka Ci bona.

<sup>172</sup> Pele jiini ini, yakasalwa a Leza, eyo ini, eyo nseke ini, buntu bwa Leza bwakali muli Leza kuzwa ku malengelo aa inyika; amuyeyye, nywebo nomu jisi ncobeni Muuya wa Leza muli ndinywe sunumasiku, mwakali omu muli Kristo nkaambo Wa kali buzule bwa Ijwi. Wa kali buzule bwa Buleza camubili. Leza wakali muli Kristo, kayanzanya inyika kuli Lwakwe. Sena mula syoma obo? Amulange, Wa kali muli Kristo. Mpawo ikuti na mwakali muli Leza, jiini, ijwi, bube kuzwa kumatalikilo, nkokuti wa keenda a Nguwe awa aa nyika, wa kaambaula a Nguwe aa nyika, wa kapenga a Nguwe aa nyika, wa kafwa a Nguwe a Kalivari, alimwi wa kabuka a Nguwe alubo; alimwi lino uli kkede mu masena Aakujuju muli Kristo Jesu, kamubandika a Nguwe (Ijwi) mbuli Mboli sanina mu buntu bwako, “Muntu uyo ponena ku Ijwi lyoonse lizwa.”

<sup>173</sup> Kutali ijwi lya Methodisti, ijwi lya Baptisti; ikuti na kwakali mbutikwa imwi mu cituuzyo, ya keelede kuumpwa kabutana kuca, nkaambo juunza mbukkalo bwa mbungano bumbi. Mbo mbubo? Kulonga, Obo mbwini. Ii ciiminizyo, cikozyanayo ca Cituuzyo.

<sup>174</sup> I Mulyango. Kati, “Njo bamba busena bomwe. Muta... Tamu ka Ndi kombeli mu mulyango oonse Ngweyo mupa; pele kuli Mulyango omwe, nkabela mu Mulyango oyo Njo bikka Zina Lyangu.” Elyo oko Mwami nkwbikka Zina Lyakwe, obo mbo busena Leza mbwayo tambwida cituuzyo canu. Twa kapanga misyobo minji ya milyango, pele Leza wakapanga Mulyango. Leza wakapanga Mulyango, nkabela oyo Mulyango wakali... Musalali Johane cipati 10, Jesu wakati, “Ndili oyo Mulyango.”

<sup>175</sup> Leza wakabikka Zina Lyakwe muli Jesu. Sena mula syoma obo? Wa kali Mwana wa Leza. Bana boonse baboola mu zina lya mawisi. Wa kati, "Nda kaboola mu Zina lya Taata Wangu, tee mwaka Ndi tambula." Nda kaboola mu zina lya taata wangu, wa kaboola muzina lya bauso. Jesu wakaboola mu Zina lya Taata Wakwe, aboobo Zina lya Taata Wakwe ngu Jesu; nconzyo, nkaambo Wa kaboola ku Zina lya Taata Wakwe.

<sup>176</sup> "Elyo tee mwaka Ndi tambula. Umbi uyo boola, nkabela myuo mutambula." Muyo bweza tubungwe twanu a kuzumanana antuto. Kamuzumana buyo, Bbaibbele lyaamba kuti, "Ba kabusigwa ku kuzulizya busena obu. Boofu, basicinswe, elyo taba cizyi." Mbungano, bukombi, oh, basibulemu maningi, mbubonya mbuli Kaini mbwa kabede; kubamba cituuzyo, kubamba zintuzyonse mbubonya buyo mbuli Abela mbwa kacita. Pele ku ciyubunuzyo caka yubununwa kuli nguwe oko mukamu uusetekene mbo wakabede, kutali micelo yamu muunda a cintucimwi nco cita a maanza ako.

<sup>177</sup> I musyomi inga wabona Ijwi kaliba mu mubili wabantu; bamwi taba konzyi kucicita.

<sup>178</sup> Boonse ba Israyeli, niba kamana kubona Musa kacita eco akubaleta kutala ku kkanso mpatti, oko nkoya cililwa, umwi aumwi wabo wakati, "Tuyo unka a Balamu, nkaambo tu yeeya ku Dr. Balamu uli luzi. Walo musongo loko, uli yiide maningi, zintuzyonse, aboobo tuyo cibweza buyo."

<sup>179</sup> Elyo Leza taakwe nakaba jatila pe, Wa banyonyoona moonya omuya mu nkanda. Elyo Jesu wakati, Mwini, "Tana kasiki, takukwe wabo waka futulwa." Jesu wakati . . .

<sup>180</sup> Ba kati, "Bamatata besu bakalya mana mu nkanda kwa myaka ili makumi one."

<sup>181</sup> Wa kati, "Boonse balifwide, kwandaanisigwa kuzwa kuli Leza Cabutamani. Boonse balifwide." Cili masimpe! Nkaambo baka swiilila bubeji. Cindi Musa, wakasimpikizigwa aa Leza, a musololi wakuba tondezya nzila iiya ku nyika ya cisyomezyo, elyo ba kasika kabotu kulamfu boobu, pele mpawo tiiba kakonzya kuzumanana a nguwe.

<sup>182</sup> Lino, basyomi balakonzya ku Ci bona, pele batasyomi taba konzyi ku bona Eco cakasimpikizigwa.

<sup>183</sup> Amulange obo Kayafasi mbwa kali sibulemu mamingi. Amulange boonse bapaizi mbo bakali basibulemu maningi. Elyo Jesu waka vuuluka, akuti, "Muli bauso wanu dyabulosi, a milimo yakwe muno icita."

<sup>184</sup> Pele kwakali basyomi basyoonto bakaliko awo. Sena muyeeya kuti basikwiya niba kakonzya kumvwisya cindi Jesu nakati, "Mebo a Taata Wangu tuli bomwe"? Nibata kakonzya ku Ci pandulula. Cindi Na kati, "Mwatalya mubili wa Mwana wa Muntu, akunywa Bulowa Bwakwe, tamukwe Buumi," sa nibaka

Ci pandulula? Peepe. Pele baka Ci syoma, nkaambo bakabona Leza kasimpikizigwa a kuba mu mubili wabantu.

<sup>185</sup> Jesu wakati, “Ikuti na Nse citi milimo ya Taata Wangu, nkokuti muta Ndi syomi. Pele ikuti na Nda cita milimo ya Taata Wangu, Ijwi lya kaamba kumbele kujatikizya Ndime kucita, nkokuti nywebo... Ikuti na tamu konzyi ku Ndi syoma, amusyome milimo Nje cita, kutegwa mu futuka.” Mwabona? Jesu wakati, “Mbelele Zyangu zili lizi Jwi Lyangu. Zili lizi Ijwi Lyangu, zila Li bona cindi Lyā simpikizigwa ku bukkalo obo.”

<sup>186</sup> “Ee, Kayafasi wakalizi Ijwi awalo!” Pele kutali Ijwi lya bukkalo obo. Wa kali jisi ijwi eelyo Bafarisi ndyo bakasekka muli nguwe, kutali Ijwi lyakasimpikizigwa lya oora.

<sup>187</sup> “Zili lizi Jwi Lyangu, zilizi citondezyo Cangu, zilizi cigambyo Cangu.” Mbobuti lino, ku...

<sup>188</sup> Oh, atu pilukile ku cibalo cesu, nkaambo tula impya kunji kwa Lugwalo olu ikuti na taticiti, nkaambo Nde elede kujala mu maminiti masyoonto atobela nekuba, nkaambo ilaba teeni okuloko mu maminiti masyoonto. Nda Mu yanda.

<sup>189</sup> Beenzuma, nywebo nobantu nimwaselemukila mu kazila aku bikka mulumbo oyo omuya kaindi kainda kaniini; bantu basanina bana bangu, ba basamika zisani alimwi; nobantu nomwakabikka mali anu (ayo nge mwakavola) mu mutiba wa mulumbo, mulizi nko uunka na? Ayo andi gwasya kumasi alandukwa lwizi ku bahedeni abo batana kumvwa cimwi cijatikizya Leza. Eco Nce cita anguwo, sheleni lyonse, Leza Mubetesi wangu. Mbaaba bamwi bangu... baalumi bakkede mpoonya awa lino bali mu—mu ciyobwedo ca mbungano yangu. Ndi jana madollar ali mwaanda omwe mu mvwiki, oko kwa mana; amwi aunka kugwasilizya miswaangano ya kumasi alandukwa lwizi oko nkoba takonzyi kusika.

<sup>190</sup> I mambungano takandi tambuli. Taba ndiyandi. Peepe. Mbo mbubo! Bala ndizalika lino: “Ngwa...” Ta lati, “Ngwa ba ‘Jesu Buyo,’ na ngwa cintucimwi mbuli eco, na sikuleya, sikwiindilizya, a boonse mbuli baabo, ii—ii Jezebele.” Elyo Ndi—Ndi langila eco, bakaita Mwami wangu kuti, “Jezebele,” alimwi ba Mwiita... kutali Jezebele, pele “Bezebule.” Baka Mwiita mazina ayo onse mabi. “Ikuti na bakaita Simalela wa ng’anda, ‘Bezebule,’ kuyo inda buti nkobaya kwiita ba sikwiyya Bakwe?” Aboobo eco tacibambi lwandaanolumwi.

<sup>191</sup> Elyo nywebo lwanu, ku lugwasyo lwa Leza, muyeeya kuti inga Nda imikila awa, sikuupaupa mupati, a kumwaambila cintucimwi...? Na sa inga Nse fwida moonya mu mundano a cintu ikuti na Nda kayeeya kuti cakazwa kwa Leza?

<sup>192</sup> Pele ikuti na Nda muyanda akuziba kuti Mbwini... Sena mwakasola kundimvwa kwaamba cili conse mu Zina lya Mwami cita eco cakacitika? Peepe. Nda buzya uli onse. Kuli zyuulu zya zintu zya kaambwa, zyonse zya kacitika. Amuyeeye eco ciindi

Samueli nakaitwa, Nda syoma mbocakabede, elyo wa kati...? Israyeli yakali kuyanda kulibamba mbuli masi ambi. Nko nkuko ba Pentekoste nkoba boola. Muyanda kulilemeka mbuli bantu bamwi. Tamuli musyobo oyo wa bantu. Amu citantamuke. I mambungano mapati a zintu zibotu zipati, O mukwesu, uta citi eco. Tu kambauka kuboola kwa Mwami kuti kuli afwaafwi, katuya mu masena akubelekela kumusanza okuya akuzibya muhedeni. Mwabona, amucite cintucimwi kujatikizya ncico.

<sup>193</sup> Pele, nywebo mwabona, Samueli wakti, “Sena Nda kasola ciindi cimwi kubweza mali amwi kuzwa kuli ndinywe kuti mponene mpawo?”

<sup>194</sup> Ba kati, “Peepe, Samueli, to kacita ceeco.”

<sup>195</sup> Kati, “Sa Nda kasola kumwaambila cimwi mu Zina lya Mwami cita eco cakacitika?”

<sup>196</sup> “Oh, mbo mbubo, Samueli. Tu syoma kuti uli musinsimi wakatumwa kwa Leza. Iiyi, munene. Zintuzyonse nzo kaamba zyaka citika, Samueli. Ba kaciyanda nokuba.” Yebo wabona cakacitika. O mukwesu, Lugwalo lulazumanan kuloolola Lwini koonse akoonse kwiinda mu Lugwalo, nkambo ni nzila ya Leza ya kucicita, nywebo mwabona. Nywebo mwabona, mula njila mu musyobo wa ziindi ezi.

<sup>197</sup> Atu sike ku cibalo cesu cakufwambaana. Lino, Ndali ali ceeći ciindi coonse, alimwi Nse konzyi akwalo kuboola ku cibalo cangu.

<sup>198</sup> Cili ku moyo wangu! Nda tuyanda! Muta lobi antomwe a inyika! Ikuti uli wa inyika, uyo loba antomwe a inyika. Ikuti na uli wa Leza, uyo unka a Nguwe mu bubuke. Aboobo kocinca bupange bwako sunumasiku kuzwa ku kuyanda inyika a zintu zya inyika, a buzumini bwabukombi obo boonse a zintu, akulanga kugama ku Kalivari ku Cituuzyo cako; Mu swaane aa twaambo oto, nkaambo obo mbo busena biyo Mbwayo sola kukuswaana. Wa . . .

<sup>199</sup> Iba Methodisti balati, “Cili mu mbungano yesu”; ba Baptisti balati, aba Pentekoste, a ceeci, aba Presbyteria, a ceeci.

<sup>200</sup> Pele Wa kati, “Njo baswaana mu busena bomwe, Busena Mwe kabikka Zina Lyangu.” Omo muuli Jesu Kristo. Omo Leza mwaka bikka Zina Lyakwe. Obo mbo Busena bulikke Mwayo kuswaanina; nkabela ngu Kristo, ndi Ijwi, mbobuca nguwenya. . . Ya kakomena kuzwa kumatende, zibelo. Elyo lino ili ku mutwe, ilibambilika kuunka; kuyubululuka mu buzule bwaciimo ca Nabwiinga, mbubonya mbuli Simusa.

<sup>201</sup> Lino atuunke ku cibalo cesu, cakufwambaana, kutandila maminiti ali teeni, elyo mpawo tula jala. Lino cibalo ceco, toonse tuyanda ku cilanganya. Cakali citikide alubo, mbuli cibalo cesu, mbuli mbo cakacitika lyoonse.

<sup>202</sup> Leza wakatuma musinsimi Wakwe mbuli Mbwa... Ijwi lyaka syomezegwa muli Malaki 3, "Ii mutumwa Njo mutuma kumbele lya busyu Bwangu," ku kusolola kuboola Kwakwe.

<sup>203</sup> Lino ikuti uyanda kusimpikizya ceeço, ku citondezya, Matayo, cipati 11, kulasimpikizya mbubonya. Cindi basikwiyya ba Johane niba kasika okuya a kubona Jesu, ba kati, "Johane uli mu ntolongo." Kati, "Twa boola kubuzya Nduwe naa ngu..."

<sup>204</sup> Meso a Johane akaba a gibilizi. Elyo wa kali mu ntolongo, wa kali kutandila kufwa; kati, "Kamuya muka Mubuzye."

<sup>205</sup> Mwabona, Johane wakati, "Oh, cipupulusyo Cakwe cili mu janza Lyakwe, Uyo salazya cibuye Cakwe cakumaninina." Wa kayeeya kuti Mileniamu niya katalika mpoonya awo, wa kayeeya kuti musena wakabambwa kale. Pele wakeelede kufwa a kunjila mu cikuba, kulibonya alubo kukubamba Nabwiinga wabwini. Aboobo wa kati, "Uyo bunganya whiiti Wakwe mu butala, alimwi Uyo umpa, a mulilo." Amulangilile oyo—oyo sikusololela Kristo mu bukkalo *obo*, eco nca kaamba kuti inga ciyocitika. "I museke..."

<sup>206</sup> Alimwi Nda syoma tamooni. I museke mpouli awa! Uyo bungikwa mu butala. Wa kali oyo Nabwiinga, eco cibeela ca ncico. Pele eco Nca kaamba sa ciyocitika ku cikuba? Ciyo umpwa a mulilo uutakwe buzume. Yandaula lufutuko lino kuciindi nokonzya. Koba museke, kutali cikuba. Mwabona? Koya mu Buumi, kutali ciwa cifwide cakale; koya mu Buumi bwa Kristo, Ijwi lyaka yubululwa, i... kuyubululwa a kusimpikizigwa *obo*. Eci i-ciindi caku bungika, muncina uutebula ulasika. Ncibotu wanjila mu museke, nkaambo cikwa ciyo siigwa kusule.

<sup>207</sup> Lino, tu jana kuti caka citika, Jesu... Kumanizya kabalululo kangu awa, aka ka Matayo 11. Ngu si... ta kamupa Johane... Wa kati, "Lino, lindila, Ndi lapa Johane bbuku lya nzila yakulilemeka mwini, *Ii Musyomi Mu Ntolongo.*" Peepe! Wa kati, "Koimaima koonse a kulanga cicitika. Kopiluka akutondezya Johane cicitika: balema baleenda, boofu balabona, bafu balabusigwa, a Makanimabotu ala kambaukwa ku bacete." Mbubonya buyo eco musinsimi ca kaamba kuti ciyo citika. "Alimwi mulacoolwe nywebo nomutalebwi muli Ndime."

<sup>208</sup> Elyo basikwiyya bakwe bakatalika kwiinda a cilundu, Wa kanyona, wakati, "Ncinzi nco mwakainkila kuyo bona cindi nimwa kainka kubona Johane? Sena mwakainkila kuyo bona muntu ukutauka mu zisani ziteteete, azimwi zimbi, a makkola anyonedwe, a zyoонсе ezi, nywebo mulizi?" Kati, "Bali mu mapalesi aa mwaami, ba myonta bavwanda a kuzikkba bafu, ta konzyi kujata cceba lijatwa amaanza obilo." Mwabona? Kati, "Ino inga mwainka kuyo bona nzi? Ii—ii tete lyungaansigwa muuwo uli onse?" ("Koboola, Johane, Nda kupa mali manji ikuti na wasika okuno.") "Ee, lelekwe Leza, Nse cili wa Methodisti, Ndaba wa Pentekoste, Ndaba wa Presbyteria, Ndaba

*boobu, i bumbi*, kufumbwa kuti kakuli mali manji.”) Kati, “Tii mwakainka kuyo bona tete lizungaanisigwa muuwo.” Kati, “Ino mwakainkila kubona nzi okuya, musinsimi?” Wa kati, “Iiyi, elyo kwiindilila ku musinsimi.”

<sup>209</sup> Johane wakapa buyo kulumba kwaansi nkwa kalikukonzya kuli Jesu. Wakalizi kuti ca keelede kuboola booboo. Waka Mu buzya buyo nakamana ku Mu zibya a kubona eco Citondezyo atala Lyakwe, wa kati, “Oyu *ngu* Mesiya,” mpawo wa boola akubuzya kuti, “Sa nduwe Nguwe, na katu cilindila umbi?”

<sup>210</sup> Pele, amulange, Jesu kazi booboo, Wa kanyona a kumupa bulumbu, kati, “Ino mwakainkila nzi kuyo bona, tete lizungaanisigwa muuwo na?” Kati, “Ta kunabede muntu wakazyalwa ku mwanakzi mupati mbuli Johane, mane ku buzuba obu.” Mbo mbubo! Ino nkulumbaizya kucitilwa muntu!

<sup>211</sup> Pele, nywebo mwabona, nceeco mbocakabede, cisinsime caka zulizigwa nkoonya kumbele lya busyu bwabo, a sikusololela kaboola, mbubonya obo Malak mbwa kaamba. Lino, oyo *ngu* Malaki 3, kutali Malaki 4.

<sup>212</sup> Johane Mubapatizi wakali Malaki 3, Jesu wakaamba booboo. Cindi nibaka Mu buzya, kati, “Nkaambonzi balembi baamba . . .”

Kati, “Wa kasika kale. Ba kacita ncoba kaamba.”

<sup>213</sup> Pele, amuyeyeye, Malaki 4, nikwakamana biyo Malaki 4 musinsimi, kuboola kwane kwa Johane Mubapatizi, na i . . . kwa Eliya, kuboola kwasanu buyooba bobilo bamu Ciybunuzyo, bakamboni, cindi akubolela ba Juda basyaalizi. Pele Leza wabelesya oyo Muuya nguwenya ziindi zyosanwe: luzyalo, J-e-s-u, oonse wakali Jesu ciindi coonse; l-u-s-y-o-m-o, l-u-z-y-a-l-o, [Mu Chikuwa Jesu, lusyomo, luzyalo ajisi tubala tosanwe—Mul.] azimwi zimbi. Nywebo mwabona? I mweelwe wasanu mweelwe wa luzyalo nkabela Wa kaubelesya. Takaubelesyi buyo kotatwe, takaubelesyi buyo kobilo, kotatwe, kone. Nziindi zyosanwe Nzya ubelesya.

<sup>214</sup> Lino, amubone cakufwamba lino, mbuli mbo tumanizya. Wa kati, “Oyu ngo nguwe wa kaambwa, ‘Nda tuma mutumwa Wangu kumbele lya buzyu Bwangu.’”

<sup>215</sup> Pele muli Malaki 4, kuzwe buyo *oyo* musinsimi akusinsima, nyika yoonse iyo umpwa cakumaninina, a balulami bayo enda atala atwe lya babi. Mwabona? Mbombubo! Mwabona, ncisinsime ca Malaki 4.

<sup>216</sup> Elyo amubone muli Luka 17, awo Mpa kati, “Ku mazuba akumamanino, kuyooba mbuli Sodoma a Gomora alubo.” Sena twa cimvwa? Tu jisi Sodoma a Gomora alubo na? I masi oonse, alanga njijo. Amulange nca kaamba kujatikizya England, cintu coonse cakasandulwa. Azyalo zilyo zyakasandulwa. Elyo mulangisye awa sayaansi . . . Mula bona mu *Digest ya Reader*,

Nda syoma mweezi wainda, ba kati, "Balombe a basimbi bainda mu musela akati ka myaka yakukomena ili twenti a twenti faivi." Nda baswaana mu muswaangano, basimbi baniini mu kutainka kumwezi, a myaka yakukomena ili twenti, twenti tuu, mu kumwezi. Caka bikkilwa kunzi? I kusandulwa, kutintanya. Nce ncico nconzyo canyonganya, cintu coonse cakanyonganya mubili. Ta tuli cintu cita lupilingano lwa—lwa...mbuli buyo kasyango kakatintanisiga.

<sup>217</sup> Wa bweza kasyango kakatintanisiga a kukabikka alya, tuuka toonse tuyu zuzila kuli nkako nconzyo. Pele kasyango, keni, kataanzi, kauka kayo katantamuka, ta kakonzyi kwima ali nkako. Elyo nde penzi ku mbungano, twa itintanya.

<sup>218</sup> Elyo ndelyakali penzi ku mbizi yakale ya Pearry Green, kutala okuya, ya kawaala mulombe oyo buzuba bumwi, taili cintu pele mbizi yakaindi yataka tintanisiga. Mwabona? Cintu biyo nca kuti, yalo...Ili mbuli kambongolo, ili—ili... kambongolo takazi kuti wisi na banyina nguni, ta kazi cintu; nkambongolo kaakati ka mbizi yaakati; alimwi aakati ka *eyi* a kandonki; ta kazi eco nco...Inga to...Uya kulindila boonse buumi bwakwe ku kutanda. Mbo mbubo! Inga wa mwiita, kwaamba, "Koboola, mulombe. Koboola, mulombe." Uyo pakamanya matwi akwe, akuti, "Hwaa! Hwaa! Hwaa!" Mwabona?

<sup>219</sup> Mbuli bamwi aba baamba kuti, "Mazuba a maleele kainda, Hwaa! Hwaa! Hwaa!" eyi misyobo yaakatikati, iyeelede kuba mamembala aa mbungano a Banakristo. Ta ndaambi ceeco ku kudana, pele bwalo Mbwini. Pele musyobo, wini unjoloma, mukwesu, ulizi kuti bawisi bakali bani, kuti banyina bakali bani, kuti basyanyinakulu, banyinakulu bakali bani, inga wa muyiisyia cintucimwi, walo uli bateme.

<sup>220</sup> Alimwi Munakristo wini wakazyala ku Muuya Uusalala a kuzuzigwa nguzu a Ijwi lya Leza, ulizi kuti bawisi mbaani, banyina mbaani, kuti asyanyinakulu, banyinakulu bakali bani, uli cizi coonse kujatikizya Ndilyo. Inga wa muyiisyia cintucimwi.

<sup>221</sup> Pele musyobo waakati, ngooyo uboola ku mambungano. Katintanisiga akati ka inyika a tubunga twabukombi, a kubikka Ijwi liniini muli nkako *ava*, Ijwi liniini *alya*, kunji buyo kwa kucenga. Mbubo. Cindi wabona Ijwi lini lya Leza lya katondezegwa mbuli Kayafasi a bamwi mbo bakacita, ba katantamuka kuzwa kuli Ndilyo, ta bazi. Bakatintanisiga!

<sup>222</sup> Lino tu jana kuti, elyo mu mulumbe oyu, Isaya 40:3 akwalo wakasimpikizya Johane. Wa kati, "Ii jwi lya umwi, musinsimi, woompolola mu nkanda, 'Amubambe nzila ya Mwami, aku tonkomeka tuzila Twakwe.'" I mbungano teeya kamusyoma, nkambo takali wa nkamu yabo. Ulya musinsimi wakabusigwa kuzwa mu nkanda, wakayutuka katazi muntu. Wa kajisi

nguonya Muuya ali nguwe oyo Eliya ngwa kajisi: wa kali muntu wamu nkanda, wa kasulaika banakazi basibwaamu.

<sup>223</sup> Amuyeeye obo Eliya... Ncinzi cakapa kuti mutwe wakwe ugonkwe kuzwa kuli nguwe? Wakali Jezebele. Jezebele ngwa kacitya lufu lwakwe. Kwa kamutandila mu nkanda.

<sup>224</sup> Johane Mubapatizi, sikuyanda nkanda umbi, muvvimi, sigani. Amulange cakwe... Inga naka... ta kajisi lwiiyo. Amulange cibalo cakwe—cakwe, takali mbuli silwiyo lwabukombi. Wa kati, “O nywebo nonzialani ya bacipile!” I cintu cisesemya kapati nco konzya kujana mu nkanda, cipyungi maningi, yakali ii—yakali nzoka. Elyo wa kaita bapaizi abo kuti, “Nywebo nonzialani ya bacipile! Nguni wamucenjezya kutija kuzwa ku bukali buboola? Muta taliki kwaamba kuti, ‘Tu zulilwa kuli *eyi*, alimwi tu jisi *eyi* na *eyo*,’ nkambo Nda mwaambila, Leza ulakonzya mabwe aya,” nkanda. Akwalo, “I kaleba” (ako nkakali kubelesya) “kali lazikidwe ku muyanda wa musamu; nkabela musamu onse utazyali micelo mibotu, wagonkwa akusowelwa mu mulilo.” Ameni.

<sup>225</sup> Wa kali mukambausi wa bulenge. Ii muntu mulemu wa Leza, wakapona ciindi cisyoonto, pele ncobeni wakayasya mulilo ku nyika yoonse. Wa kagambya eyo nzyalani mu myeezi ili cisambomwe ya mulimo wakwe. Leza waka mibusya kwa myaka ili makumi otatwe, ku kugwisya eyo myeezi ili cisambomwe kuzwa muli nguwe. Pele Leza ulacita nzila Yakwe Mwini, Uli zyi butebuzi Bwakwe mbobubede.

<sup>226</sup> Elyo lino tu jana kuti eci nci cakacitika ncobeni. Teeba kamusyoma, nkaambo ta kali wabo. Teeba kacita. Ba kacita mbuli cilengwa, teeба ka Ci bona. Teeba kasyoma Ijwi lya Leza lya Malaki 3, nape niba kabona cantangalala, kwinda ku lugwalo, kuti oyu wakali sikusololela oyo. Teeba kajisi musinsimi kwa myaka ili myaanda yone, elyo ngooyu umwi wabuka aa cilao cakufwambaana. Mwabona? Elyo bantu, basyomi, baka musyoma kuba booboo. Mwabona, teeба ka Li syoma. Teeba kasyoma, nkaambo cindi niba kabona lugwalo kutondezegwa cakumaninina, eco Nca kaamba kuti Uyo cita, a zintuzyonse, aku Li bona kalisimpikizigwa kabotu cindi Ijwi nilya kanjila monya mu maanzi ku musinsimi. Mpaawo bakaliimvwi.

<sup>227</sup> Kuli banji bakazya a Lugwalo olo kujatikizya Johane. Mwabona, Johane wakati, “Ndi yandikana kubbizigwa kuli Nduwe, elyo nkaambonzi Wa boola kuli ndime?”

<sup>228</sup> Jesu wakati, “Kozumizya eco kuba booboo, nkambo obu... pele obu kelelela kuli ndiswe, kuleelede kuli ndiswe (kuba) kuti tu zulizye. Ncibotu, Johane, yebo mukuba musinsimi, ulizi kuti cituuzyo ceelede kusanzigwa kacitana kutuulwa. Elyo Ndili Cituuzyo eco, nkabela uli musinsimi kuziba ceeco.” Mpawo

waka Mu zumizya aku Mu bbizya. Mwabona? Alimwi wa kalizi cakali boobo.

<sup>229</sup> Amulange, baka museka, bakamwiita kuti “sikwiindilizya, wamusokwe, utayiide ukwiila,” mbuli cilengwa, oyo musinsimi kasololela kuboola kutaanzi kwa Jesu.

<sup>230</sup> Ta ndaambi kuti bali . . . tujisi basikulikozyanisya mbabonya asunu ba—ba kasimpe. Bala cita, balo nconzyo. Pele, amuyeeye, awo mpo mubona dollar yakukkopela kweelede kuba dollar ini eyo nkoya kapangwa. Awo mpobona umwi kakkopela kuba Munakristo, kweelede kuba Munakristo wini kumwi; nkaambo, ikuti natakaba, *oyo* nakaba mutaanzi wini. Weelede kujana mutaanzi wini. Pele lingula uumwi wakusaanguna, akubona ikuti na mutaanzi wini uli mbubonya ncobeni a cisyomezyo. Icutina nkocili, nkokuti Ci syome: cisyomezyo ca bukkalo.

<sup>231</sup> Mpawo cisinsime ca Johane caka simpikizigwa mu ncililano ya Leza. I Ijwi lya kasika ku musinsimi a kumu simpikizya nconzyo mbuli muntu oyo.

<sup>232</sup> Alubo Jesu waanjila ii . . . bwandeene kuzwa ku kumvwisywa kwabo kwa cisinsime eco. Teeba ka Ci mvwisywa nzila eyo. (Lino, tu selemukila kumamanino lino.) Pele kweendelana ku Ijwi lya musinsimi, Lya kazulila mbo kwakeelede. I cisinsime cazulizigwa; pele nzila njo baali kuyeeya kuti Ci yooba, tee Ca kali munzila eyo. Lino, niba kakonzya buti kumvwisywa a kuziba kuti ncili ciluleme na cilubide? Ku bona kuti na caka simpikizigwa aa Leza, ikuti na wakali Leza kapandulula eco Nca kaamba. Kwakali ba Jesu babeji bakabuka, a kusololela muntu . . . cikama ca myaanda yone, okuya mu nkanda a zintu; pele ta kalitondezya mwini mu Ijwi, nywebo mwabona, mbuli Mbwa kaamba.

<sup>233</sup> Jesu, cindi Na kasika, Wa kali sikuba Musinsimi. Mbo mbubo! Alimwi sunu, kataninga kuboola Jesu alubo, kuyubululwa kwabuzule kwa Muntu Jesu Kristo kula yubululwa mu mibili. Amu ciyeeye! Jesu wakati, “Mbuli mbo kwakabede ku mazuba a Sodoma, mbubonya mbo ciya kuba ku kuboola kwa Mwana wa muntu, cindi Mwana wa muntu ano yubununwa.” Ncinzi *kuyubununwa*? “Kuvungulula, kuyubununwa.” I maseseke ayutulwa, akuyubununwa. Ku buzuba obo Mwana wa muntu aku yubununwa, inyika iyooba muciiro ca Sodoma. Tuli cijisi, embo na? Inzya! Mbangaye basyoma obo? Cili mu ciimo ca Sodoma. Oko kuli luleme! Amulange awo mpoi bambidwe lino.

<sup>234</sup> Amuyeeye, lyoonse kwakali nkamu zyotatwe zya bantu mu cikama acimwi ca bantu babungana, nkuti, basikulicengeezya, batasyomi, a basyomi. Tuli bajisi mu nkamu aimwi. Ba kaliko ciindi coonse. Kwakali bana Sodoma, kwakali—kwakali bana Lota, alimwi kwakali Abrahamu.

<sup>235</sup> Iya Abrahamu yakali nkamu yakaitwa kuzwa, ta kali mu Sodoma kukatalika. Lino amulange Mulumbe wabo! Ba kali

kulangila mwana waka syomezegwa, kumulangila kwa myaka. Leza wakatondezya Abrahamu zigambyo a zitondezyo zipati, pele mpaawo Leza wakaseluka Mwini mbuli muntu!

<sup>236</sup> Nywebo mwati, “Oyo wakali Angelo.”

<sup>237</sup> Abrahamu waka Mwiita kuti, “Mwami,” mupati M-w-a-m-i. Kufumbwa sikubala wa Bbaibbele ulizi kuti oyo mupati M-w-a-m-i ngu Elohimu. “Ku matalikilo Leza,” Mwami Leza, Elohimu, Umwi ulijisilidi zyoonse. Abrahamu waka Mwiita kuti, “Mwami Leza, Elohimu.”

<sup>238</sup> Lino amubone, kwakali bantu bobilo bakaunka kunselelo ku Sodoma a mulumbe, nkabela baka kambaukila bana Sodoma. Taakwe cintu nciba kacita, pele kubofwaazya; kuli, kukambauka Makanimabotu kofwaazya sikutasyoma.

<sup>239</sup> Pele amulange musyobo wa citondezyo nkamu ya Abrahamu ncoya katambula!

<sup>240</sup> Lino, twe elede kuba a Lunyungu lwabwami ilwa Abrahamu, Izaka wakali walunyungu lwakunyama. Pele Lunyungu lwa lusyomo, lusyomo mu Ijwi lyaka *syomezegwa*, Ijwi lya kasyomezegwa (Muta ciimpyi.) lwakali Lunyungu olo lwabwami; olo lwakali Lunyungu, lusyomo lwa Abrahamu. “Swebo mukuba bafwide muli Kristo, tuli Lunyungu lwa Abrahamu, baswaana anguwe kweendelana ku cisomezyo.”

<sup>241</sup> Amubone cindi zyoonse nizyakali kucitika, kunselelo mu Sodoma kwakali bakutausi bobilo kunselelo okuya kabakambauka a mulumbe mupati.

<sup>242</sup> Kwakali Omwe waka kkede awa a nkamu ya Abrahamu yata kalyeena a nkamu eyo kunselelo okuya. Lino amulangilile Omwe wakakkala a nkamu ya Abrahamu, musyobo wa citondezyo Nca kabapa. Wa kati... Lino, amuyeeye, zina lyakwe wakali Abramu mazuba masyoonto kakutaningi kuba eco; lyakali lya S-a-r-r-a, kutali S-a-r-r-a-h (sibwami mukazi). Elyo Muntu oyu, a sule Lyakwe kali futete ku tente...

<sup>243</sup> I mwanakazi mpawo wakaliimpene mbuli mbobabede sunu lino. Be elede kuya kumasena a kucita milimo ya balumi babo a zintuzyonse zimbi, nywebo mulizi. Pele tiiba kali kucicita kaindi; bakali kukkanla kusule kwini.

<sup>244</sup> Aboobo ba... Aboobo Angelo kakkede alya, Mutumwa, elyo Wa kati, “Abrahamu, uli kuli mukaintu wako (S-a-r-r-a-h) Sarah?” Ino Wa kaliziba buti? Mbobuti Mbwa ka liziba?

<sup>245</sup> Abrahamu wakati, “Uli mu tente kusule Lyako.”

<sup>246</sup> Wa kati, “Njo muswaya kweendelana ku ciindi eco Nce kamusyomezya. Njo muswaya.” Elyo Sarah wakabaanga wali sekela.

<sup>247</sup> A sule Lyakwe ku tente, Wa kati, “Nkaambonzi Sarah waseka, kwaamba kuti, ‘Mbوبuti zintu ezi mbo zikonzya kuba?’”

Ikuti natakali muli Abrahamu, nabwiinga wakwe ku ciindi eco, Leza naka mujaya. Mbubonya aswebo mbotunga twaba a kutasyoma kwesu koonse, ikuti ni twa takali muli Kristo. Eco cila tujatila moonya omuya, mwabona. Ta kakonzya kucisa na takakonzya kutola Sarah kakutakwe kucisa Abrahamu. Mwabona?

<sup>248</sup> Elyo aboobo amuyeeye, Jesu wakati, “Mbuli mbo kwakabede ku mazuba aa Sodoma, aboobo mbo ciyooba ku kuboola kwa Mwana wa muntu.” Tula bona, bantuboонse bayo zumina, kuti inyika ili mu ciimo ca Sodoma. Nda kabweza mutende waku Los Angeles okuno kutali ciindi cilamfu cainda, a kuti, Ndi yeeya kuti nzya, “Kulalana kwamulicabo kwaindila mapeseenti ali makumi obilo na makumi otatwe mu Los Angeles, aumwi mwaka kwiindilila kuli obo.” Ngu... Oh, eila yoosya! Mu mfulumende yesu a koonse, zintuzyonse ziya buba zyakasandulwa sandulwa buya. Mbo mbubo! I cintu coonse, ciyanza coonse, mbungano a zintuzyonse zimbi zya sandulwa sandulwa. Kuli mu bukkalo bwakusandulwa sandulwa.

<sup>249</sup> Lino, Ndi yanda kubuzya basilwiiyo lwabukombi cintucimwi, ca bakwesu bangu. Kutali kuti Ndi kanana ku kulwana, mukwesu wangu uyandwa; Ndili waano kukugwasya, mukwesu. Ndili waano kwiima aali ceeco Ijwi lya Leza neco lyaamba kuti cili luzi, bikka janza lyako a kugwisya bbunga eli lya bantu kuzwa mu zintu ezi. Mbubo!

<sup>250</sup> Pele amulangisye awa, tii twa kajisi mutumwa kunselelo mu Sodoma kale a zina lyakwe limana a h-a-m mane lino. Twa kali jisi Spurgeon, Wesley, Luther, a zintuzyonse zimbi, pele kutali wakumasi oonse iwakali mutumwa wakajisi zina lyakwe limana a h-a-m, kale. Mbo mbubo! Mwabona, G-r-a-h-a-m, tubala tuli cisambomwe, G-ra-h-a-m, Billy Graham; muvangeli uuzizilwe, mulimo mupati wa Leza, muntu wakatumwa kwa Leza. Uli jisi oko kululamikwa loko cakuta cinca, kusikila ula zungaanya cindi a ncico, mwabona, mbuli obo. Ta kukwe...

<sup>251</sup> Amulange Oral Roberts ku kabungwe ka Pentekoste. Ndelili nikwakasola kuba umwi mbuli oyo?

<sup>252</sup> Tubala tuli cisambomwe. Abrahamu ngu A-b-r-a-h-a-m, ciloba. Billy Graham ngu G-r-a-h-a-m, cisambomwe.

<sup>253</sup> Lino amulange batumwa. Amulange ciindi nko tubede, taku nabede ciindi mu makani akale. Amulange zintondezyo nzyoonya Nzya kasyomezya kuti ziyo pegwa ku nkamu aimwi. Amulange awo mpobabede. Mbubonya, bweelene, mibusena, bubambidwe ncobeni mu ncililano. Bulenge, inyika, zintuzyonse, zili kkede mbubonya buyo ku ciindi.

<sup>254</sup> Lino muta ciimpyi, kuciindi notupandulula zimwi zya Lugwalo olu. Cakubinda lino, nkaambo Nda mujata kwa ciindi cilamfu loko. Kwiita... Amulangisye awa. Alimwi kweendelana

ku musinsimi, wa kasika ncobeni mbuli Ijwi, ncobeni mbuli ku ciindi.

<sup>255</sup> Lino amulange bukkalo lino omo motukkala. Sena ta tuponi moonya mu ciindi ca Sodoma na? Amulange mutumwa ku nkamu ya Abrahamu. Amulange myeelwe, tubala, alwiyo lwanamba ku zina lyakwe. Nywebo mwati, “Takukwe cintu mu zina.” Uta lekeli umwi ku kwaambila ceeco. Nkaambonzi Nca kacincila zina lya Abramu, kuba Abrahamu, Sarra kuba Sarah? Nkaambonzi Nca kacincia Simooni kuba Petro, a boonse abo bambi? Mwabona? Masimpe mbocibede. Mbombubo!

<sup>256</sup> Nkekambo Nda amba uta, noiti mwana wako kuti “Ricky,” na “Elvis,” na cintucimwi. *Elvis* lyaamba “kaaze,” lya *Ricky* “mbeba.” Mwabona, cindi waamba... Oko kuliluleme ncobeni. “Les,” na cintucimwi, uta noiti umwi mwana wako... bana eelyo. Ikuti na mbolibede, amulicince cakufwambaana, nobantu. Uta no... Yebo wa... Ikuti na ulandisyoma kuba mulanda wa Leza, uta nobiki eelyo zina a mwana oyo uutakweankwaya. Mwabona? Peepe, munene, mupe zina limbi kunze lya leelyo. Ma! Nde elede kuzwa ali ceeco, nkaambo Nda zwa ku ciyo cangu, pele Nda caamba nkabela cagola. Ndi... Obo mbo cita, tozyi cindi wa caamba. Mwabona?

<sup>257</sup> Ka Mwiita, “Mweenzu, musondi, dyabulosi, Bezebule,” a kuti, “Wa kalipanga Leza Mwini.” Oh, ma!

<sup>258</sup> Sena Isaya musinsimi ta kaamba kuti, “Uyo tegwa Leza Singuzu”? Isaya 9:6, “Kuli ndiswe Mwana wazyalwa, Mwanamulombe wapegwa, nkabela mfulumende iyooba a makuko Akwe, nkabela Zina Lyakwe liyo tegwa Sinkuta, Sibwami wa Luumuno, Leza Singuzu, Taata uteeli.” Mbo mbubo! Awalo, Musalali Johane 1:1 “Ku matalikilo lyakali Ijwi, elyo Ijwi lyakali a Leza, nkabela Ijwi wakali Leza. Elyo Ijwi lyakaba mubili wabuntu a kukkan akati kesu.” Mula syoma obo? Ta kali buyo... Wa kali Musinsimi, pele Wa kali kwiindilila kuba musinsimi; Wa kali Leza-Musinsimi. Ino Wa kaboolela nzi?

<sup>259</sup> Amuyeeye, Wa kaboola mu mazina aa mwana otatwe. Wa kaboola lutaanzi mu zina lya Mwana wa muntu. Kwiina naka liita Lwakwe kuti “Mwana wa Leza.” Nywebo mulizi obo. Mwabona, Wa kaboola mu Mwana, wa muntu, Musinsimi. Jehova Mwini, Taata, wakaita Jeremiyia kuti, “mwana wa muntu”; musinsimi walo mwana wa muntu. Wa kaboola...

<sup>260</sup> Lino Wa kaboola, kwiinde Buzuba bwa Pentekoste, Wa kajokela mu ciimo ca Muuya Uusalala, Muuya uugambyakwinda. Lino Walo Mwana wa Leza.

<sup>261</sup> Mu Mileniamu Uyo tegwa Mwana wa Davida, kano kkede a cuuno cabwami ca Davida. Mwabona, Wa kaboola mu... Walo Mwana wa Leza, Mwana wa muntu, Mwana wa Davida.

<sup>262</sup> Oh, Bbaibbele lizwide tubalo tuyandisi otu. Ta tukonzyi ku tubweza toonse mu busiku bomwe. Pele kuleelela ncobeni kubikka ceeci lino. Juunza inga tee bwaca. Inga katuno unkide kakutanaba juunza. Kwayanda ndino kambaukila muntu unofwide kakutanaba cifumo. Inga nkeno unkide kakutanaba cifumo. Mukwesu, mucizi, akalo takali kaano kabuyo, oto ntusimpe twini! Ta tuzi ciindi notuya kwiinka, alimwi tokabi acoolwe cimwi kwaakumana kuyoya kwako kwamamanino kwa mibili wako. Ko cilulamika ndyoonya lino, uta lindili kusikila kuseeni, inga ciindi kacino manide.

<sup>263</sup> Amubone lino, baka Mu citila mbubonya ncobeni eco basinsimi nco bakaamba kuti bayo cita, mbubonya buyo mbo bacita ku buzuba mboonya obu mu Bukkalo bwa Laodikeya. Icuti na muyanda ku cilanga, amubale Ciyubunuzyo 3, “Moofu, sicinswe, nkabela ta cizyi. Kutanda Kristo...” Cindi Na katalika kulyubununa Mwini mu ciimo ca mbuto alubo, njionya ya kanjila mu bulongo yaka pilukila kuba Nabwinga; buyo Nabwinga a Simusa, mibili a bulowa bomwe, mulimo omwe, zintu zikozyenye, kacita mbubonya buyo Nca kacita; Muuya.

<sup>264</sup> Elyo mpaawa bala kkopela a kucita zintuzyonse zimbi, alimwi aumwi ujisi bbuku lyakwe a kubeleka, a *ceeci*. Oh, tamu namvwide kunyanyamukwa kuli boobu. A, kununkizya, kununkizya, “Nda nunkizya dyabulosi lino.” Coonse *eci*, *eco*, citali camagwalo mbuli mbo cikonzya kuba!

<sup>265</sup> Alimwi cintu cini ka cikkede nkoonya kumbele lyabo, baleenda kuzwa, “Taba zulilwi ku kabunga kangu.” Ma, ma, buyo, mwabona, buyo boofu kaba soleolela boofu. Sa boonse taba kawidi mu dindi? Bakofwaazigwa atunsiyansiya twakabungwe twamuntu, baka Mu tandila anze lya mbungano yabo mbuli Leza mbwa kaamba kuti bayo cita, mu Ciyubunuzyo 3; mbuli cilengwa, mbuli mbo kwaasinsimwa.

<sup>266</sup> Amubone obo Jesu mw-...mbwa kalizibya Mwini kuli basikwiya aba, lino, nkabela tula jala. Aba basikwiya bobilo, Kayafasi...Kleopa, mubwini, a mweenzinyina. Lino, tuli mu bubuke, cifumo kwiinde bubuke, bubuke butaanzi; ino ncifumo cibotu, Jesu wabuka kuzwa ku bafu a baumi akati ka bantu Bakwe. Ino muzeezo mubotu!

<sup>267</sup> Uli waano mbubonya asunu mbuli Mbwa kabede buzuba obuya, nkaambo Ngu mbobuca nguwenya, sunu, amuya-... Elyo kalyubununa Mwini kunji sunu kwiinda Mbwa kacita mu bukkalo bumbi buli boonse kuzwida buzuba obuya; kaboola kwiinda mu whiiti a cisiko a cikwa (zyoonse zyamna lino), tuli mu whiiti alubo. Mwabona, twa jokela mu museke.

<sup>268</sup> Kuzibwa mbuli...kuziba...Amulange obo Mbwa kalizibya Mwini ku bantu aba, lino, amuyeeye, mbuli Mesiya wabo (katutaninga buyo kujala) wa Ijwi lya kasyomezegwa lya bukkalo. Amubone! Wa kalibonya kuli, ku i...mbuli Mbwa

kaamba kuti Uyo cita, ku basinsimi. Amubone, “Bafubafuba, abamuka kusyoma koonse basinsimi ngo bakalemba kwa Nguwe kwa keelede kuzulizigwa.”

<sup>269</sup> Amu Mu langilile! Walo utondeka kujoka nkoonya ku Ijwi lya Leza, Ta kalyubununa mpoonya awo a ku baambila kuti, “Sena muli Ndi zyi? Ndime Mesiya wakabuka.” Ta kaamba ceeco. Mwabona, Wa kabapa buyo Lugwalo; mbuli Johane mbwa kacita, abamwi babo. Mwabona? Wa buyo... Beelede kuli zibila eco beni. Beelede kuli betekela beni. Lino, muta fukuli, amuli betekele nobeni.

<sup>270</sup> “Bafubafuba, bamuka kusyoma koonse basinsimi nko ba kaamba kuti kuyo citika.” Ino nkutapatila kuli mbabo bakali kutaminina ku Mu zyiba. Mwabona?

<sup>271</sup> Amubone obo Mbwa kalanganya ciiyo. Ta kalyubununa mpoonya, mbuli Mbwe amba maminiti masyoonto ainda, a kuti, “Ee, tamuzi na kuti Ndime Mesiya wanu wa bukkalo obu? Tamuzi na kuti Nde Ndime?” I mulanda wini wa Leza taliziby boobo mwini; Lugwalo lula muzibya obo mbwa bede. Kasimpe, uyo cita. Pele wakaita kuswiilila kwabo kuli ceeco basinsimi ncoba kaambide cakulangila mu bukkalo bwa Mesiya. Mwa cibona? Amujokele ncobeni: “Bafubafuba, abamuka mu moyo, kuta syoma koonse basinsimi nkobakaamba kujatikizya Mesiya kwa keelede kuba.”

<sup>272</sup> Walo, mbuli Johane, lekela Ijwi lya Bbaibble ku Mu zibya, obo Mbwa kabede kuli mbabo. Eco ca keelede kubambwa antangalala kwini. Ikuti na Ijwi lyaka Mu zibya, eco ca keelede kuba antangalala Oyo wakasyomezegwa ngo bakali kulangila. Ba kaziba kuti wa kali... muntu umwi wakacita kusika aacilao ku ciindi eco.

<sup>273</sup> Baa, Wa kati, “Lino a Ndi tondezye eco Ijwi nco lyaamba ceelede kucitika buzuba obuno.”

<sup>274</sup> Nseli Ndime, sunumasiku, kusola ku mwaambila, Ijwi ku Ijwi (nokuba ku cilawo, busena, mazina, myeelwe, zintuzyonse zimbi, a zitondezyo zyoonse, ziindi, a zintuzyonse), kuti tuli mpoonya awa ku ciindi camamanino? Nincobeni mula konzya kubona Nce kanana. Mwabona? Amulange! Eco cila ntangalala loko cakuti taciyandikani limbi cizibyo. Wa kati, cindi Na kali ano aa nyika, “Amulingule Magwalo, muli Ngawo muyeeya kuti mujisi Buumi Butamani, Ala lu... Ala lungulula kuti Ndime ni,” mwabona, “Obo Mbwe bede.”

<sup>275</sup> Amubone, Wa katalikila ali Musa musinsimi, “Ii musinsimi...” Deutronomo 18:15, Ndila ngilila Magwalo awa, Deutronomo 18:15, Musa wakati, “I Mwami Leza wanu...”

<sup>276</sup> Mwabona, Leza wakakanana kuli nguwe atala lya mulundu. Elyo, oh, ma, kundindima; ba kati, “Lekela—lekela Mwami... Lekela Musa kakanana, kutali Leza, ulabona twa loba.”

<sup>277</sup> Wa kati, “Bakaamba kaboutu. Njo...Nse kaambauli limbi kuli mbabo mbuli boobu, pele Njo babusizya musinsimi.” Elyo ngo wakali mulumbe Wakwe lweendo loonse. Eco nce ceelede kusitikizya cintu coonse ku mamanino. Ceelede kuba buya, nkaambo Ijwi lya Mwami lyeelede kuboola ku musinsimi. Nce cintu luzutu nko Li konzya kusika. Ikuti na tali citi, cityola Ijwi lya Leza a ku Mu bamba kwaamba cintucimwi cilubide. Mwabona? Ta likainki ku seminar. Li inka ku musinsimi. Alimwi musinsimi utumwa kwa Leza, kasalwa. Alimwi mbo ziba mbocibede, akutali eco muntu ncaamba . . .

<sup>278</sup> Twa kalijisi ba Eliya banji, a mabbaki, a zintuzyonse zimbi, a zilembo, a misyobo yoonse ya bufuba, akuleya kunjila muciimo cakabunga a zintuzyonse zimbi.

<sup>279</sup> Pele kuyo boola a nyika eyi, ku cisymezyo ca Leza, mulanda wini wa Leza, wakazibisigwa aa Leza (ku Ijwi Lyakwe kuba bwiinguzi bwa buzuba obuno), uyo bamba Nabwiinga mu matobelanwa (bace ncobeni iba mbungano) aku Mu tola kujulu. Mbo mbubo! Uyo zibya kuti, “Amubone, ngooyo Umwi Ngwe kali kubandika, mwabona, uyo sika.”

<sup>280</sup> Elyo koonse basinsimi nkoba kaamba kujatikizya Nguwe, a ku bukkalo obu, baa ciyooba cibotelezya ncobeni ku Mu mvwa kwaamba ceeco. Sa nimwa yanda ku Mu mvwa ka caamba? “Koonse basinsimi nko ba kaamba kujatikizya . . .” Amuyeyeye, Wa kaamba eco basinsimi ncoba keelede kwaamba kujatikizya Nguwe, kulibalulula Walo Lwakwe Mwini, eco Nca kaamba (alimwi Wa kali Ijwi); kabalulula.

<sup>281</sup> Lino amuswilile ku Majwi ayo Nga kabalulula. Sa inga mwayanda kumvwa eco Nca kabaambil? Atu bweze buyo mubandi lino, katutana kuleka.

<sup>282</sup> Lino, ba kaambilwa asyoonto zyoontse zya kazwaa kucitika zya kubambulwa, zya kaano ku cuumbwe a kabanda, a banakazi baka Mu bona, a umwi wakati baka Mu bona, abamwi bambi. Wa kati . . . Ba—ba ka Mwaambilas asyoonto ali ceeco. Alimwi Ula zumanana ncobeni a Ijwi kujatikizya . . . kabalulula Lwakwe kwiinda mu Ijwi:

“Lino amulange muli Zekariya 12.” (Kweelede kuti waka balulula Zekariya 11:12.) “Nkambo Wa kasambalwa nsiliva zili makumi otatwe. Sa Mesiya ta keelede kusambalwa nsiliva zili makumi otatwe?

“Mu Ntembauzyo 41:9, Wa kaabwa a balongwe Bakwe. Mwabona?

“Zekariya 13:7, waka siigwa aa basikwiyya Bakwe.

“Mu Ntembauzyo 35:11, waka tamikizigwa a bakamboni babubeji.

“Kuli Isaya 35:7, wakaumuna kumbele lya basikutamikizya Bakwe, takal jula mulomo Wakwe.” (Kuli kaboutu, munene.)

“Isaya 50:6, Wa ka kwibbaulwa.

“Ntembauzyo 22—22, Wa kalila aa ciingano, ‘Leza Wangu, nkaambonzi Wa Ndi siya?’ ‘Oonse mafuwa Aangu ba Ndi dunamina.’ ‘Ba kayasa maanza Aangu a matende Aangu.’” (Amulange zisinsime Nzya kakonzya kwaambaula!)

“Isaya 9:6, ‘Kuli ndiswe Mwana wazyalwa,’ ‘Ii nakalindu uyo mita,’” azimwi.

“Alimwi akwalo mu Ntembauzyo 22:18, ba—ba—ba kaabana zikobela Zyakwe akati kabo.

“Muli Isaya 7:14, ‘Ii nakalindu uyo mita.’

“Ntembauzyo 22:78, ndiza... wakasabulwa a basinkondo Bakwe (Bakwe, bakeelede kuba balongwe Bakwe), basinkondo Bakwe, mbungano.

“Mu Ntembauzyo 22 alubo, Wa kali... taakwe cifuwa ca keelede kutyolwa, pele ba kayasa maanza Akwe a matende Akwe.

“Isaya 53:12, wakafwa antomwe a basimilandu.

“Muli Isaya 53:9, wakacuaulwa, mukwesu muvubi waka muzikka.

“Mu Ntembauzyo 16:10, Wa kabusigwa kuzwa ku bafu. Davida wakaamba booboo, ‘Nse kalekeli Umwi Wangu Uusalala kubona kubola, nekuba Nse kasiyi muuya Wakwe mu gehena.’ Wa kabusigwa kuzwa ku bafu.

“Malaki 3, Johane Mubapatizi wakali sikusololela Wakwe.”

<sup>283</sup> A misyobo yoonse Nja kaunkila! Nokuba kuli Izaka mukuba ekozyanyo Cakwe aa Cilundu... atala lya mulundu oko wisi Abrahamu nkwa kamutola, mu Matalikilo 22.

<sup>284</sup> Lino cakaba kuti ba katalika kubona Oyo wazulizya Magwalo waka syomezegwa ku buzuba obo. Lyakali eelyo, ciindi nicaka manide kale. Ba katalika kubona, “Oh! Ee, amulindile aniini! Nywebo mulizi na?” Ba kaziba mpawo kuti Mweenzinyina wakabambulwa, Jesu, wakali oyo Musinsimi waka syomezegwa. Ba kaziba nkaambo... Mwabona, ba kaambilwa asyonto ku Magwalo.

<sup>285</sup> “Pele, awa, zyoonse zintu ezi zya keelede kucitika aa ciingano, zyoonse ezi zintu. Bafubafuba, bamuka kumvwisywa koonse basinsimi nkoba kaamba; nzila oyo Mesiya mbwaya kupenga, a kunjila mu bulemu Bwakwe, akubuka buzuba bwatatu.”

<sup>286</sup> Nekubaboobo ba kaunka, “Oh, inzya. Mbo mbubo. Nda mba kuti Wa—Wa... Sena myoyo yesu tii yali kupya muli ndiswe?” ba kaamba. Ta cigambyi myoyo yabo nciya kapya! I zisinsime ezyo Nzya kali kupa zyaka zulizigwa.

<sup>287</sup> Mpawo ba katalika kumvwisywa kuti Mweenzinyina, Muntu oyo ngo bakali kulya antomwe, kwaambaula anguwe,

kunjilana anguwe, kuzuba nswi anguwe, kalala mu zisaka, kuti oko kwakazulizya Ijwi lyonse lya oora lyaka syomezegwa! Nceeco mbo cakabede. Ba keendede mamaile ali cisambomwe, cakaboneka kuba ciindi cisyoonto loko, Nda yeeyela, alimwi ba kamvwa nkambauko ya maora ali cisambomwe aa cisinsime cakasimpikizigwa (kulampa aniini kwiinda eco nco twa jisi sunumasiku, mwabona). Kwakali kubaanga bwaila ku ciindi caku mangolezya, Mimuni yaku mangolezya ya kaboola.

<sup>288</sup> Nciindi nciconya lino, mbungano! I Mimuni yaku mangolezya ya boola! Bahebrayo 13:8, “Ngu mbobuca nguwenya, sunu, amuya myaaka.” Oh, zicitika zilalungululwa ku cisinsime, mbubonya asunu. I Mumuni waku mangolezya waka syomezegwa a musinsimi wa Leza, muli Zekariya 14:7, akube kuti alubo ajule meso a musyomi wakasimpe ku zintu zicitika sunu, zyaka tondezegwa aa zisinsime kuti tuli ku ciindi camamanino. Jesu ulaboola.

<sup>289</sup> I nciconya . . . Ci . . .

<sup>290</sup> Wa kati, “Kuyooba buzuba obo buta kaitwi kuti masiku na isikati.” Wa kati, “Pele ku mangolezya kuyooba Mumuni.” Lino, tu lizi, kububambe bwanyika, zuba lilapasuka kujwe a kubbila kumbo. Lino, musinsimi wakati, “Ku yooba mwaakwe mulamfu wa ciindi ciyo siyasiya, ku baanga ii . . . taka konzyi kwiipta kuzi isikati na masiku; kubaanga mudima, buzuba busiyasiya.”

<sup>291</sup> Lino nkokuli Mwana nkwaka pasukila? Ino . . . Oyo wakali M-w-a-n-a ngo tukanana lino. Oyo m-w-a-n-a wakunyama upasukila kujwe a kubbila kumbo. I Leza nguonya, nguonya . . . Zuba, mubwini. Alimwi M-w-a-n-a wa Leza wakabuka lutaanzi kujwe, ku bantu bakujwe.

<sup>292</sup> Elyo lino Na kazwa, ncinzi ncoba kacita? Kumane myaka ili myaanda yotatwe, ba katalika kabunga kabo kataanzu, mbungano ya Katolika yaba Roma. Kwiinda mu Bukkalo bwa Musinze baka unka, elyo mbaabo ba kaboola. Ino inga bacita nzi? I cintu nciconya. Bwa kali buzuba bwa . . . Tee bwakali kutegwa isikati na masiku. Ba kajisi malailile aakubwene, mane bakasyoma kuti Wa kali Mwana wa Leza, a kweendelana mu mumuni ngo baka jisi, baka panga mambungano abo a kuyaka zibbadela a zikolo azimwi zimbi, a maseminari, baka tuma bana babo ku cikolo.

<sup>293</sup> Pele musinsimi wakati, “Kuyooba Mumuni alubo kutandila ku ciindi caku mangolezya. I Mwana uya kuyuna alubo, kuyooba Mumuni.” Ncinzi? I Mwana ngwenya (M-w-a-n-a) oyo wakayubununwa mu mibili ku ciindi ca cifumo, kaindi okuya, uyo yubununwa alubo ku ciindi caku mangolezya.

<sup>294</sup> Lino amwezyanisye Musalali Luka 17:30, “Alimwi mu buzuba obo, mbuli mbo kwakabede ku mazuba aa Sodoma, kubambwa kwa inyika, mu ciindi eco Mwana wa muntu ano yubununwa.”

Kuyooba Mumuni kutandila ciindi caku mangolezya,  
I nzila ku Bulemu moyo ijana masimpe.

<sup>295</sup> Oh, ma! Bantu, tuli aali?

Masi ali mukumwaika, Israyeli ilimu kusinsimuka,  
I zitondezyo basinsimi nzoba kaamba kumbele;  
I mazuba a Bamasi akkwana, a kuyoosya kwa buyumuyumu; (Amulangilile kadyobokela mu lwizi!)  
Amubweede, O nomu mwaikide, kuya mwanu.  
I buzuba bwa lununuko bwaswena,  
Myoyo ya bantu ili mukuwizuka nkambo ka buyoofu;  
Amu zuzigwe Muuya, amube a malampi anu kapukutidwe akuba kabotu,  
Amulungumane! lununuko lwanu lwaswena.  
(Muli kabotu.)

<sup>296</sup> Mukwesu, mucizi, neiindi ciyoosya. Amulange zintu zyakasinsimwa, amulange zintu zicitika. Amulange koonse kwa kasinsimwa kakuzulila, mpawo tula bona oko koonse nko kwaamba. Tauli mulongo wa ciimo cakwiindilizya. Ngu Leza katondezya Majwi Akwe mbubonya, mbubonya. I Mwaala waumwa, beenzuma, amutijile kuli Nguwo cakufwambaana mbuli mbo mukonzya. Cisinsime cisimpikizya buzuba mbo tuponamo.

<sup>297</sup> Atu kotamike mitwe yesu. [Ii mukwesu wakanana mu mwaambo umbi. Ii mucizi wapa bupanduluzi. Ii mukwesu aa eibumbili waamba kuti, "Sa inga twa jatilila anguzu ku kaindi buyo kaniini? Leza wakanana kuli ndiswe kwiinda mu Mukwesu Branham, alimwi bunanike buli aa Mukwesu Branham, alimwi tana manizya. Alimwi..." Kabeela katakwerintu aa teepu—Mul.]

<sup>298</sup> Oyandwa Leza! Sa mula mvwisya buzuba mbo tuponamo, beenzuma? Sena inga waba camba cakukazya Leza? Sena inga waamba kuti "Ta luzi," kakuli Wa Li tondezya? Ngu sikupandulula Lwakwe Mwini. Sa mula yanda ku Mu belekela?

Lino a mitwe yanu kiikoteme, a myoyo yanu kiikoteme, mukwesu, mucizi.

<sup>299</sup> Kwayanda inga caba ciindi cesu camamanino cakuswaangana. Antela ta tuka... Ikuti na Njo piluka mwaka kuzwida sunu, ikuti na Nda pona, kuyooba banji bali ano lino batakabiko mpawo. Alimwi Njo muswaana ku Mungwala wa Lubeta a kuyo ingula ku zintuzyonse Nze wamba sunumasiku.

<sup>300</sup> Kumbele lyá Leza, kuciindi noli mu mizeeo yako iluzi, sa inga lino wacita ceeći cinji kuli Leza? Ikuti na ulizi kuti uli... Kolilanga buyo mu ciboniboni ca Leza, Bbaibbele, takukwe makani na nduwéni, a kwamba, "Ndi lizi Ndili bulizizye loko kuba mwanamusimbi wa Leza, kulanga nzila Nje cita. Ndili bulizizye loko kuba mwanamulombe wa Leza, kulanga nzila Nje cita. Pele, Leza, Nse yanda kuba, Ndi—Ndi yanda ku kakatilila busena obo." Ndi yanda uti utambike janza lyako kuli Leza, kufumbwa na nduwéni, oko nkobede ku buyake, "Iiyi, Ndi yanda kuba mwanamulombe wa Leza. Ndi yanda kuba mwanamusimbi wa Leza. Ndi yanda kuzulizya zintuzyonse ezyo Mwami wangü nzya lailila." Lino nywebo... Leza amu longezye. Ndi yeeyela kuti ni peseenti ili nainte ya bbunga.

<sup>301</sup> Lino langisya awa, mweenzuma. Ino kuti noka pona mu mazuba cindi nokamvwa Johane kakambauka? Ino kuti noka pona mu mazuba cindi Jesu nakali ano? Noka iminina lubazu Iwani? Ikuti noka pona muli a Jesu... Koyeeya, ikuti Na... Ikuti noka pona kaindi, nikwakaba buyo mbuli mbokubede lino. I Jesu nguonya uli mukuliyubununa Mwini kwinda ku Ijwi Lyakwe, mwabona, alimwi Ta likwe mpuwo.

<sup>302</sup> Pele andi kwaambile, Nse soli kwaambila bantu kusiya mbungano na... Ma, Ndi yanda kuti kamwiinka ku mbungano, "Muta leki kulibunga antoomwe." Pele Nce sola ku kwaambila nku bindaanina mu Bwami bwa Leza. Jana zintu ezi, inyika, mbungano...

<sup>303</sup> Ba Pentekoste, nywebo nobantu baya buba banya maningi. Muya bukozyanya maningi a inyika. Ncitete buyo, muzumanana kweebela matelevizhioni a zintu ezi zyoonse, a nzila mboba zicita, a coonse *eci*, nkabela cintu citaanzi mulizi... I maseminarí, zikolo zyatatalika kulimvwanya awa a waalya, alimwi *eci*, *eco*, alimwi a *cimbi*, nkabela cintu citaanzi mulizi... Ceelede kuboola nzila eyo. I mbungano ya Pentekoste, yakali ya lugwasyo lwangu lupati loko, Nse konzyi kwaamba cintu ca kwiilwana. Pele nke kaambo Nce ompolola, "Bakwesu, amuzwei!" Kwiita... Tamu jisi miswaangano njo mwakali kuba ayo. I bantu taba cili mbo bakabede. Pele Jesu Kristo ngu mbobuca, atu njile muli Nguwe.

<sup>304</sup> Lino, nywebo a maanza anu mujulu, amuyeeeye, kwakali Mwaala wakaumwa mu nkanda, alimwi ako Kasensa ka cijukide sunumasiku. Mwaala Wabo wa kaumwa, Kristo, Ngo Mwaala wakaumwa.

<sup>305</sup> Alimwi sunumasiku, kuciimo mbuli Mbwe zyi, mbungano ndiza... I ciindi ca kwiitwa ndiza cakainda kale, Ta ndizi, Nse konzyi kwaamba eco. Amuyeeeye, bantu bakazumana ncobeni kuba a miswaangano, mbubonya buyo, kumane kubambulwa kwa Jesu. Elyo i... bantu boonse, baya—baya kuboola, baya... Amulangilile! Baya—baya kuzumanana ncobeni kukambauka, a

kwamba kuti bali “mukufutulwa” a zintuzyonse, mbuli ikuti... . . . “I inyika ilazumanana mbuli mboya kabede,” ba laamba. Pele ciindi cino manide mpawo.

<sup>306</sup> Kuciindi nojisi coolwe, mukwesu wangu; kuciindi nojisi coolwe, mucizi wangu; njila mu Bwami bwa Leza. To elede kuboola kunsi lya cimwi cimbi pele lusyomo buyo lubombe lwa kusyoma Ijwi Lyakwe. Walo ndi Ijwi eelyo! “Mwami Jesu, Ndi lizi, Nda lilanga lwangu mu ciboni ca Ijwi lya Leza; oh, obo Mbwe bulizizye. Pele, oyandwa Leza, awa sunumasiku, aa busiku obu bwa Muvulo, omuno mu San Bernardino, California, muli eyo auditoriamu akuno, oku—oku nku koonse Nkwe jisi, Mwami, pele Ndila kupa kuli Nduwe. Sa Ula ndibweza mbuli Mbwe bede, Mwami? Sa Ula ndilekela kutijila ku ciingano cakufwambaana? Nda babona abalo batumwa. Nda cibona ciindi, Nda kabona kwiipta kuzwa mu Sodoma. Nda bona zitondezyo. Nda ibona nkamu ya Abrahamu kaitambula Mumuni. Nda bona luyubunuko, Jesu ka yubululwa alubo mpoonya akati kesu mbuli mbo kwakabede. Nda bona zintu zyoonse Nzo kasyomezya. Nda babona basikulikozyanisa; Nda Ku bona kwaamba ceeco, ‘Mbili mbo kwakabede ku mazuba aa Musa,’ obo oyu Jambre a Janesi kuti bayo pilukila kulikozyanisa, alimwi kabacili moonya mu ntimbba njionya moba kabede.”

<sup>307</sup> Mwabona, tiiba kakonzya kutobela Musa mu Ijwi eelyo a kubweza abo bana kuzwa awo kuya mu nkanda, nkaambo bakali swaangene mu Egepita. Tiiba kakonzya kucicita, nekubakuti bakacita milimo njionya nja kacita. Pele bufuba bwabo bwa kayubululwa. Elyo Bbaibbele lilati, ngu MBUBOOBU MBWAAMBA I MWAMI, “Ciyo citika alubo ku mazuba akumamanino.”

<sup>308</sup> Elyo mula cibona a meso anu eni, ikuti na muli basimuuya. Ndili... . . Nse konzyi ku Ci pandulula. Ta kuyandikani kuli ndime ku Ci pandulula. “Mbelele Zyangu zilamvwa Jwi Lyangu”. Atu unke kuli Nguwe, kuciindi notu jisi coolwe. Sa mula cita?

<sup>309</sup> Ikuti na ujisi kubula kwa lubbizyo lwa Muuya Uusalala, ikuti na ujisi kubula kwa kulisalazyu alimwi, buumi bupya; mweembeli wako tako kusampauli, uyo kuyanda nkambo ka ncico. Kolipa buyo lwako cakumaninina kuli Leza sunumasiku, kuciindi notuli awa. Atu... . . Ngu, Ndi lizi kuti nciyumu, cila tenda, nceenzu, Nse citi ceeco kupandulula obo, Ndi cita ceeco kuba uusyomeka. Ndi cita ceeco nkaambo Nda tuyanda, Nda tuyanda Leza, alimwi Nda cicita kukusola ku mugwasya. Elyo nincobeni, mweenzuma, Ndi—Ndi—Ndi syoma... . . Alimwi a moyo wangu oonse, a lusyomo lwangu loonse, Ndi syoma kuti Mulumbe wangu uzwa kwa Leza. Wali—Wali kutondezya obo kuli ndinywe, kwinda mu myaka yoonse.

<sup>310</sup> Lino swiilila, sunumasiku kwaaba zintuzyonse nzo jisi, zintuzyonse nzo bulide. Nda syoma, a moyo, wakasimpe wakalipa, ikuti na ula imikila ku matende ako, a kutambika maanza ako kuli Leza, a kwaamba, "Oyandwa Leza, mpaawa Mpendi. Kondi bweza, Mwami. Nse cikabelesyi mizeezo yangu ini a bupanduluzi bwangu bwini. Ijwi Lyako lilaamba kuti Nde elede 'kusalala, Nde elede kuzyalululwa, Nde elede kuzuzigwa Muuya, alimwi mpawo Muuya uyo ndisololela mu Bwini boonse.' Oyandwa Leza, mpaawa Mpendi, kondi solelole." Sena inga wacita kunji oko? Ikuti na wacita kunji oko, tambika janza lyako, koamba, "Ndali bambila kucita ceeco, Ndali bambila."

<sup>311</sup> Mpawo atwiimikile ku matende esu.

Buyo mbuli Mbondibede, takukwe nkumbizyo  
yomwe,  
Pele kuti Bulowa Bwako bwaka tililwa ndime,  
Alimwi kuti Wa ndilailila kuboola kuli Nduwe,  
O Kabelele ka Leza, (Mulyango luzutu wa  
Leza)...boola! Nda...

Lino jana mulimo wako oonse, zintuzyonse zimbi, kudekela kwako, zintuzyonse...Ino kuti wali kufwa lino?

Mbuli buyo Mbwe bede, Ula tambula,  
Ula tamba, kujatila, kusalazyta, kutambula;  
Nkaambo Ndi...

Sa ula bikka janza lyako mujulu, a kampango aka lino?

Nda syomezya, Njo syoma,  
O Kabelele wa Leza, Nda boola! Nda boola!

<sup>312</sup> Lino kuciindi sikulizya organi nayabuya—nayabuya kulizya, kulekwe umwi aumwi wesu...

<sup>313</sup> Bakubusyi, sena muya kujana cili boobu awa aa kagwagwa, eci cikama ca zigebenga?

<sup>314</sup> Mucizi, sena uyanda kuba a masusu mafwaafwi, kakuli mbu Naziri bwako kulemeka Leza kuba a masusu malamfu? "Alo mause kuli nguwe kugela masusu akwe." Sa inga wasama misinsi eyo miniini yakwe a zintu nzoba sama sunu, zya madresi aya aabwaamu, a mibili kuutondezya kwiinda muli ndilyo, anze alya mu kagwagwa? Sena wakalizi kuti mwaalumi onse ukulanga ucita mamambi anduwe mu moyo wakwe? Elyo wakali tondezya booboo omwini. Sena mulizi, no banakazi, nywebo nomulipenta, kuli mwanakazi omwe biyo mu Bbaibbele wakali kulipenta lyonse? Elyo Leza wakamusinina ku babwa. Ii Jezebele, zina lisulaikwa kuzwida ku buzuba obo, nkaambo ka micito yakwe ya ceeco. Nywebo mulizi kuti wakali Eliya musinsimi waka singanya eco a ku mwiita mu ciyanza eco? Sena mwakalizi kuti wakali Herodiasi oyo Johane Mubapatizi ngwa katobezya? Sena mu... Ta tuyandi kuba cintu eco ca Hollywood ica inyika.

"Ikuti uyanda inyika na zintu zya inyika, luyandisyo lwa Leza taluli muli nduwe."

<sup>315</sup> Mukwesu, mweenzuma mukutausi, taakwe... Akaka kondimvwisy, Ndili munyoko. Sena uyanda kuli swaanganya lwako, anywebo mamembala aambungano ku mbungano imwi (Methodisti, Baptisti, na kufumbwa mbonga waba), sena uyanda kujatilila mu kabungwe ako nkaambo banyoko a banyookulu baka jatilila kuli kaako? Ba kazwa mu cintucimwi kuboola muli kaako, oyo wakali Mumuni wa buzuba obo; kuti, mbuli mu ziindi zya Nowa. Obu mbuzuba bumbi.

<sup>316</sup> Yebo wat, "Ee, Nda ka i . . ."

<sup>317</sup> Obu tabuli buzuba bwa Pentekoste. Bukkalo bwa Pentekoste bwakainda. Pentekoste ya kaunka, eci ncindi ca kutebula. Mwabona? Elyo ciindi ca kutebula, museke; maanzi amana kutilwa, museke wabizwa. Boola mu museke, mukwesu wangu uyandwa. Kondi swiilila, kondi syoma, ikuti na ula ndisyoma kuba mulanda wa Leza, acite aumwi, munzila yesu ini, kukotamika mitwe yesu mu bubombe a kupa mupailo oyo tu—oyo ngo tuzi kwelela kupa, "Leza, ndibweze mbuli Mbwe bede."

<sup>318</sup> Elyo mukwesu, mucizi, Nda lilazika ndemwini aa cipaililo sunumasiku, ambebo: Leza, ndibumbe a kundi bamba bwandeene. Kocita cintucimwi, Leza, ndibambe mu ciyanza Cako.

<sup>319</sup> Muyeyea kuti ncitere kwiimikila awa ku zapaula bantu mbuli boobo? Ncintu ciyumu cakucita. Pele maawe kuli ndime ikuti Nse cicita.

<sup>320</sup> Oyandwa Leza, mbuli bbunga eli mboli kotamika mutwe a moyo walyo, mu ziindi ezi zisetekene awa zya kujala kuyiisya kwa Bbaibble eli; cindi twa bona kusimpikizigwa kwa Muuya Uusalala kwaka zungaanya cisi eci koonse akoonse, alimwi koonse akoonse, lubukulusyo a zizibyo zipati, mukuziba kuti cintucimwi ceelede kutobela ceeco. Elyo mpawo kubona abo Baangelo bali ciloba kabaseluka atala lya mulundu oyo kulaale mu Arizona, cindi alo mamagazini aka Ci kkopa cisi coonse. Ku bona Jesu Mwini omuya mu milengalenga, kalangide ansi, a kwaamba kuti, "Mu Ciybunuzyo 10:7, mu Mulumbe wa angelo waciloba, ezi Zinamatizyo ziyo julwa, Maseseke aa Leza ayo yubununwa," cakuti basilubambilulo tiiba kapona kwa ciindi cilamfu ku—ku kwatondezya. Alimwi awa, ezi Zinamatizyo zili Ciloba zya kanamatika cintu coonse ceelede kujulwa mu buzuba obuno. Ku bona ezi zitondezyo zyoonse a zigambyo zipati, zyaka citwa, kusimpikizigwa, kwaambwa kumbele kacitana kucitika, alimwi taakwe ciindi comwe Yebo nokasola kutu kakilwa, pele wakacileta kucitika mbubonya mbo cakaambwa.

<sup>321</sup> Oyandwa Leza, tula mvwisya kuti Jesu Kristo uli akati kesu. Tu lizi kuti Mpali awa. Mpali awa sunumasiku, Leza uutalibonyi mpali awa andiswe, akukonzya kutondezya

cisyomyo coonse Nca kapanga mu Ijwi Lyakwe. Obo Mbo kaima a kutaba tondezya, a masule kaanyonede, mu butaanzi bwa matalikilo kakutanaba basikulikozyanisya bakataninga kunjila mubalo, Mwami, na kunjila mu i—i—i muzundano, mbuli mbo kwakabede. Wa katondezya a ku zibya, kasinsima a kwaamba nzila njionya mbo ciyo citika, a ku cibona kacicitika nzila eyo. Alimwi, Taata Leza, tu lizi tacikonzyi kuba muntu, ceelede kuba Leza. Aboobo tu lizi kuti Uli waano sunumasiku. Kotu jatila zibi zyesu.

<sup>322</sup> Oyandwa Leza, Wa ponya balwazi besu, lino ko—kojatila zibi zyesu, Mwami, kutaba musyobo wa Munakristo ngo tweelede kuba, kutali... Kulibanda kuba mwaalumi na mwanakazi uuzwide Makanimabotu, alimwi mpaawa twa lijana kuwa muzinga mbuli nkuku yakabungwe. Kotu gwasya, oyandwa Leza, tu tole a kutu zungaanga kubalesya Muuya Wako Uusalala. Alimwi ikuti na kuli cimwi muli ndiswe citali mbuli Nduwe, cigwisy e kuzwa muli ndiswe, Mwami. Alimwi syanga matende esu aa Ijwi Lisalala lya Leza, akulekela Muuya Uusalala kusuka kunsi lya moyo wesu a kubweza madosi aakutasyoma a kufukula kwa buzuba obuno; oh, kubuka akulizungaanya tobeni. Kocipa, Leza. Kotu salazya! Kotu bumba! Kotu panga! Leza, ko cipa.

<sup>323</sup> Ikuti kuli umwi mukati omuno sunumasiku, Mwami, abo bajisi mu moyo wabo museke oyo, eyo jiini ya Leza yaka salilwa Buumi kuzwa ku malengelo aa inyika; Ndi lizi, Mwami, bali sinikizidwe kumvwa ku oora eli. Aboobo, Nda komba, Leza, kuti Ula zuzya buntu bwabo a kwiiyasya a lubbizyo lupy a lwa Muuya Uusalala, a kubatuma mu lweendo lwabo, katangala a kukkomana.

<sup>324</sup> Mwami Leza, ba... Nda bapa kuli Nduwe. Ta ndizi na mbaani, Yebo ulizi. Ndi jisi mulimo biyo wa kukambauka Ijwi Lyako, Mwami, mbuli Mbo Li yubununa. Yebo ujisi mulimo wa cimwi calyo: awo Mbuto mpoilokela. Ndi Waala buyo. Mwami Leza, Nda komba kuti Iwide mu bulongo, bubotu bувубиде sunumasiku. Kutegwa banji baka Ibone, Mwami, akubuka kuba Banakristo bamweka mu mazuba aya akumamanino, eco cintu cipati nco tulangila kuboola kunembo, ciyo boola cakufwambaana. Ko cipa, Mwami. Elyo Uya kutola Mbungano Yako, Nabwiinga Wako, aku Mu tola ku muunzi. Tula Ibona yoonse kiili mu bubambe bubotu. Boola, Mwami Jesu. Twa ciituala coonse kuli Nduwe, mu Zina lya Jesu Kristo, ku micelo. Ameni.

Nda Mu yanda, Nda Mu yanda  
Nkaambo Wa kasaanguna kundi yanda  
A kuula lufutuko lwangu  
Aa ca Kalivari...

<sup>325</sup> Sena mula Mu yanda? Ee, nkokuti mweelede kuyandana. Amusukane maanza umwi aumwi cindi notu iimba alubo:

Nda Mu yanda, Nda Mu yanda  
 Nkaambo Wa kasaanguna kundi yanda  
 A kuula lufutuko lwangu  
 Aa . . .

<sup>326</sup> Lino atu *Mu lumbaizye*. Mbangaye bazi lwiimbo olu:

Ndiyo Mu lumbaizya, Ndiyo Mu lumbaizya,  
 Amulumbaizye Kabelele wakajailwa basizibi;  
 Amu Mupe bulemu nywebo no bantu nyoonse,  
 Nkambo Bulowa Bwakwe bwasanzya twiimba  
 toonse.

<sup>327</sup> Atu yiimbe lino:

Ndiyo Mu lumbaizya, Ndiyo Mu lumbaizya,  
 Amulumbaizye Kabelele wakajailwa basizibi;  
 Amu Mupe bulemu nywebo no bantu nyoonse,  
 Nkambo Bulowa Bwakwe bwasanzya twiimba  
 toonse.

<sup>328</sup> Sena mulivwa kugweemuka koonse? Amu tambike maanza  
 anu a kwaamba, "Oh, eco cindibamba kulimvwa kabotu."  
 Mukwesu, Nda yanda nyimbo ezi zya ciindi cakale. Sa tamuciti?  
 Ziselemukila ku moyo.

Ndiyo Mu lumbaizya, Ndiyo Mu lumbaizya,  
 Amulumbaizye Kabelele wakajailwa basizibi;  
 Amu Mupe bulemu nywebo no bantu nyoonse,  
 Nkambo Bulowa Bwakwe bwasanzya twiimba  
 toonse.

<sup>329</sup> Atu tambike buyo maanza esu lino a kulumbaizya Leza,  
 umwi aumwi wesu, mu nzila yesu tobeni.

<sup>330</sup> Mwami Jesu, twa Ku lumba. Twa Ku lumbaizya, Mwami.  
 Twa pa kulumbaizya kuli Nduwe nkambo ka bantu bakaitwa,  
 kuzwa mu Babuloni. Twa Ku lumba nkambo ka Bulowa  
 bwa Mwana Wako, Jesu Kristo. Twa Ku lumba nkaambo Wa  
 tusalazya ku kaindi aka. Twa ku . . . Tu lomba kujatilwa kwa  
 bulubizi bwesu, abufuba bwesu, Mwami, kugugulika kwesu mu  
 mudima. O Leza, akube kuti tubuke a kumweka, kweendela  
 mu Mumuni waku mangolezya, a kuba mucelo wa Musamu oyo  
 uboola ku Mimuni yaku mangolezya. Ko cipa, oyandwa Leza.  
 Twa lituula kuli Nduwe, mu Zina lya Jesu Kristo.

<sup>331</sup> Lino a mitwe yanu kiikoteme, Nda mu josezya kuswaangana  
 nywebo nobeembeli.



*ZINTU ZYASUNU ZICITIKA ZILUNGULULWA A CISINSIME* TNG65-1206  
(Modern Events Are Made Clear By Prophecy)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Muvulo mangolezya, Nalupale 6, 1965, ku cipobwe ca Full Gospel Business Men's Fellowship International ku Orange Show Auditorium mu San Bernardino, California, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)